

敬業堂詩集

冊四

敬業堂詩集卷十六目錄

客船集

留別恆齋太守次見送原韻

鎖江樓下再與恆齋別

早發湖口縣

初秋與恆齋住舟彭澤余有七月初

三日五律一章重經此地屈指六十日矣聚散之感愴然入懷再作一

吳詩附九江後信

舟過大雷岸二首

夜抵黃石磯

搭魚詩

早過大通驛

重登銅陵太白樓

天門山

采石舟次喜遇介菴叔即送其游楚

九日三山舟中有懷德尹近得家信聞弟已渡淮

重泊秦淮二首

金陵早發

登燕子磯

同譚護城給諫飲朱十兄竹垞齋席

上分賦

題鄭春薦廬墓圖

題朱北山西溪梅花圖卷

再題霜林秋晚圖卷

王令詒過村居小飲限韻各賦二首

題陳言揚抱膝圖二首

再題言揚看舞圖

維揚談禘初亡兄韜荒壻也今來就婚投詩見贈感賦一首

廉讓寄南燭子詩索和戲作一首 斷硯歌寄和姜西溟

並轡集

春夜飲曾濟蒼宅同徐淮江

貽笏圖為徐淮江賦次李武曾韻

吳門程汝諧乞詩為節母孫太君壽

再題東湖弄珠樓壁

鄧尉山看梅與譚護城都諫分韻

過葉已畦二棄草堂出新刻見示

吳門勞在茲為余作畫冊

常熟過錢玉友河亭

大石山房

留守瞿相國春暉園

拂水山莊三首

瓜州大觀樓張見陽郡丞屬題

秦郵舟中紀事

魚溝看桃

與德尹同坐騾車戲作二絕句索翁

康貽嚴定隅和

德尹詩有一龕恢恢之句用其意再

作一首

從峒嵒騎騾至紅花埭

雨阻紅花埭一日

望蒙山同定隅德尹作

道傍見蜨蝦轉丸

望岱

至河間聞彭椒崑量移之信留詩寄之

次新城先生壁間韻

曉過趙北口

題王赤杼籬豆畫卷二首

送趙子晦之任延津二首

次韻酬唐實君喜余入都之作

附原作

初夏同叔毅定隅霜巖德尹坐一莖菴後香林亭

淶水亭與唐實君話舊

偶閱楊次也賣花詩戲次原韻五首

次韻荅實君

附原作

題陳履仁登車圖小影

題顧書宣畫冊竹菌水仙二種

敬業堂詩集卷十六目錄

大雅堂

大雅堂

大雅堂

大雅堂

大雅堂

大雅堂

大雅堂

大雅堂

大雅堂

大雅堂

大雅堂

大雅堂

敬業堂詩集卷十六

海寧 查慎行 悔餘

客船集

起壬申九月
盡十二月

樂天琵琶行自述遷謫之情託于送客而不著其姓字未必果有其人也
今余與恆齋別正值楓葉蘆花之候恆齋官況不異左遷別後倘有詩見
及其毋使人疑此客爲烏有子虛乎

留別恆齋太守次見送原韻

小住衙齋忽半年河梁只在一尊前重攜風雨登山屐又上江湖載酒船有此
別離成我老無多才調感君憐蘆花楓葉殘秋路不聽琵琶亦黯然

鎖江樓下再與恆齋別

聚散真無奈行期已數更不緣歸路遠翻遣別愁生潮到潯陽縮江過皖口平
戍樓今夜月相送比君情

早發湖口縣

山色滿空城蒼烟帶曉晴舟人辨風信關吏候鷄鳴湖勢三秋減江流九月清
半年經六度此度是歸程

初秋與恆齋住舟彭澤余有七月初三日五律一章重經此地屈指六
十日矣聚散之感愴然入懷再作一詩附九江後信

小縣江天豁西南月吐鉤轉頭如昨日撫景忽殘秋路改攀曾岸燈明隔浦舟
烟波三宿夢猶自戀江州

舟過大雷岸二首

雲收霧散來時路奇險初欣過馬當風日晴和秋澹蕩江山平遠樹微茫畫圖
側畔移帆影明鏡中間耀眼光合與詩家添好句不然辜負薄遊裝
荒洲夾岸沉漁蕩小市臨流颺酒旗去舫校多來舫少遠山不動近山移鷗憐
故侶行音杭相傍雁折斜風字亦奇一事歸人獨惆悵匡廬西望已迷離

夜抵黃石磯

過盡魚罾蟹簞邊依稀村落在山前半江烟霧半江月一隻夜深歸客船

搭魚詩

有序

沿江捕魚者碇小船急流中截竹二尺許緡而不鈎繫豕肉作餌兩人對把
一竿隨放隨收鰱魚長二三寸者應手而出稍緩則吞餌逝矣日可得數十
斤名曰搭魚曝乾加紅麴爲鮓鬻於寧國山中

昔讀魚具詩纖悉苦難曉今來江湖畔意外駭機巧竹竿二尺長芳餌繫其杪
曲鈎渾不用緡直影隨表濺濺水聲中鱗鱗出白小有如拾蚌蛤一一向盆沼
十不失二三得心手馴擾自從罔罟設水族久莫保此法古未傳吁嗟更誰造
庖廚窮口腹物命例短天有情爲惻然放筋吾忍飽

早過大通驛

夙霧纔醒後朝陽未吐間翠烟遙辨市紅樹忽移灣風軟一江水雲輕九子山
畫家濃淡意斟酌在荆關

重登銅陵太白樓

千古奇才一謫仙當時寂寞後人傳誰憐我是題詩客淪落江湖十四年

己未夏余

曾題詩樓
上今尙存

天門山

北望采石磯南望蕪湖關蒼茫裕溪口豁達天門山長江萬里來近海勢逾寬
到此一約束帖然成安瀾秋空掃濃綠兩道蛾眉彎亦名蛾眉山弦月帶衆星盡歸
吞吐間亂帆不自整散落鷗鳧灘浮雲本無程日暮相與還我行何處泊前路
方漫漫

采石舟次喜遇介菴叔卽送其游楚
半載家書斷逢君喜欲狂細微談近事安慰當還鄉別夢吳船隔征途楚水長
忍辜今夜酒明日沉重陽

九日三山舟中有懷德尹近得家信聞弟已渡淮

夾岸蘆花作絮飛鯉魚風急客添衣從來節物悲遊子如此江山送落暉鄉路
尙成千里隔別時原約半年歸誰能料得貧家事去住無端與願違

重泊秦淮二首

袁家鵝鴨薛家羊不問當墟賣酒孃懊惱一秋無菊看楚人船上過重陽
市樓南北酒帘青市上游人半醉醒何暇管他亡國事更將閒泪洒新亭

金陵早發

東方大星射芒刺一片江光白如地去城未遠尙聞鐘烟柳濛濛六朝寺

登燕子磯

迴欄步步轉雲汀若要登高更有亭淮岸柳條秋尙綠孝陵松氣遠尤青城啣
日出排鴉陣天偏江低響雁翎添得重來多少恨西風吹帽鬢星星

憶與韜荒
兄泊舟觀

劇屈指十
三年矣

同譚護城給諫飲朱十兄竹垞齋席上分賦

檣燈塔火照城闔齷屋依然近作鄰九陌並回三載夢一官難救五湖貧飽經
世故初心在畢竟交情老輩真慚媿爲歡煩二主買魚配酒餉歸人

題鄭春薦廬墓圖

舊來宰木已參天書帶重生丙舍前多少康成門下士一時俱廢蓼莪篇

題朱北山西溪梅花圖卷

一篙寒水平盃綠松木場西凡幾曲春頭臘尾萬梢梅照影橫斜散冰玉花時
一一爲我有別業西溪曾卜築廿年不到漸疎蕪借與隣僧挂瓢宿上番大雪
凍連月聞道摧殘到松竹可憐老幹剩槎枒有似佳人在空谷對君此畫增健
羨蟠螭龍蛇歸尺幅欣然意到不留手偶爾圖成聊寓目春烟欲動氣葱葱夜
月斜穿光燭燭略施朱粉紅間白力挽冰霜骨勝肉恍如幽夢向溪山洗盡胸
中筆端俗我今倦遊百事廢一壑能專良易足相將同賦歸去來花氣浮蜃酒
應熟

再題霜林秋晚圖卷

長風入林瘦蛟舞萬葉低昂爭仰俯劈開玉峽飲晴虹倒射霜空撒紅雨中間
幾株尤耐霜濃者得綠淡得黃與酣渲染出真意絹素絢爛凝秋光瀟湘洞庭
多變態放筆知君與神會披圖莫作咫尺觀別有蒼茫在圖外

王令詒過村居小飲限韻各賦一首

十年出求友時輩方縱橫與君非苟交結托重老成所以我諸弟事君亦如兄
每聞君造廬一一皆歡迎且須惜此意勿作匆匆行

湓城得家書送爾倍惆悵初秋與令詒別於九江吾舟未東下吾弟方北嚮同時忽同歸

余到家半月德尹亦歸事固未易量喜君復見過此會出非望所嗟不盡歡隣喪春不相

荆州兄方丁太夫人艱故云無計獨留君燈前北風漲

題陳言揚抱膝圖二首

使君與僕孰英雄寄托如何不約同此意沈吟應共惜半生光景畫圖中

與君識面從兒穉不覺形容漸失真同是庚寅吾獨老始憐衣上十年塵余與言揚皆庚寅生

再題言揚看舞圖

舞袖雖長不自持歌喉縱好有誰知賞心或在人情外看取停歌罷舞時

維揚談帝初亡兄韜荒壻也今來就婚投詩見贈感賦一首

吾嫂持門戶吾兄肉已寒夢爲雲聚散愁見月團圓得婿如君少爲甥似舅難

十年存歿泪相對不禁彈

廉讓寄南燭子詩索和戲作一首

曹家二尺紅珊瑚霞光照耀開座隅季倫如意不敢擊變作顆顆勻圓珠冰霜
太寒雪太白可少丹砂點顏色綠毛么鳳愛梳翎尾重身輕飛不得

斷硯歌寄和姜西溟

姜侯才高同屈宋往往彈冠讓王貢舉場老負十上名史館貧支廿年俸硯田
一片羞自給略似良農勤藝種爲言此石初得時愛與端瓊稱伯仲

端瓊亦西
溟藏硯

每因拂拭誇朋友未許收藏付僕從平生不以文滑稽滴露研硃事修綜窮經
恥勿草太玄給札雄堪賦雲夢不知磨耗幾挺墨書到成家筆方縱可憐尤物
難久完識者何希忌何衆秦城十五不輕易博浪一椎翻誤中有情那免號癡
絕足剛荆和抱深痛唾壺口缺琴尾焦唉此依然配清供作詩聊用解客嘲屬
和無端邀我共我今所見與君異嗜好心空色不動膠聯漆附終有痕

來詩有
膠聯漆

附太堅
綴之句

豈比天生本無縫勸君撥棄勿復道瓦礫寧當較輕重君苗焚硯古有

諸持此區區欲安用

並轡集 起癸酉正月盡三月

余以新正東裝北上德尹初未有出門之約二月杪忽相遇于淮上遂偕

翁康飴嚴定隅並轡而北通計一春所作無過三十餘章皆行役之詩也

故彙成一編

春夜飲曾濟蒼宅同徐淮江

春波門外如鈎月六里長街未上燈花徑初除三尺雪雅人相對一壺冰窮愁

老境尤貪酒樂事新年在得朋從此兩湖添地主

余向寄徐淮江詩有兩湖地主惟君在之句

每逢

高會約徐陵

貽笏圖為徐淮江賦次李武曾韻

徐家手版傳忠襄曾隨封事攜皂囊牙花欲開天變候雷雨白日撥谿堂堂中

書籤三萬軸一一玳瑁琉璃裝牀頭置笏床下拜髣髴排擊舍風霜自從尚書

殉社稷對命無復王廷揚問君寶此竟安用謂是祖德貽縹緗君家祖德非尋

常日星皎皎懸孤光百年朝典存手澤世閱兩代源流長公侯子孫必復舊瓜

瓟綿邈今方將鳳雛已得韓冬郎七歲弄筆吟繞廊丈夫生兒有如此用少陵徐卿二

子歌中句對客那得能深藏塗鴉畫虎無不可但是驥性終馴良乃翁與世不同調

挾策莫歎亡羊臧摩挲老眼待他日為汝持笏還端詳

吳門程汝諧乞詩為節母孫太君壽

古人乞言重名義今人乞言重勢位數篇排比達官名滿幅雷同錦屏字程生

壽母乞我詩我名微賤世莫知感生厚意惜不得但媿窮老無妍辭區區持贈

一言耳非此母不生此子我為此語豈無徵試問南湖老居士汝諧出老友感鶴江之門故落

句及之

再題東湖弄珠樓壁

滿湖新漲綠如油五度凭欄記此樓粉壁有詩僧代掃青衫無趣客重遊花邊

舊事閒相觸醉裏風情老漸休多謝柳條長短意尚含烟雨拂孤舟

鄧尉山看梅與譚護城都諫分韻

買帆下吳閩晨夕風雨對掀篷喜開霽決起逐儕輩明波洗雙眸遙見峯染黛
橋低榜稍進竹密步微礙紆徐入玄墓梅信行已逮古榦無醜枝疎花有餘態
寧知山近遠漸覺路茫昧濃日散晨光千林同一概蒸蒸氣浮動靄靄香奔潰
人聲絲竹聲多在白雲內居僧揖冠裳游女曳環佩青紅小姪姘紛若魚同隊
見花嬌不憐手折鬢邊戴本爲冷澹遊喧沓性叵耐翻身暫引避穿徑出荒穢
前登馬家山高出萬花背境荒人罕到鑿石初破塊自然愜幽趣真景非粉纈
僕本住山人無端走關塞故園三百樹先植記好在有花不得看既出每深悔
此來復何幸夙願償意外神交契新賞老戀割私愛俗腸旣蠲除塵面一盥頰
逝將營半畝斲地把勑耒君如娛晚計共買花邊埭歸田事不難所要在勇退
惜哉迫行役各與初心偕解纜復踟躕清遊幾時再

過葉已畦二棄草堂出新刻見示

疊成山勢鑿成窪位置柴門趁屋斜小築人皆稱得地遠來吾不爲看花舊遊
歷歷經心眼餘論津津溢齒牙未敢對君談著述十年衣袖有塵沙

吳門勞在茲為余作畫冊

自題佳句寫雲烟不獨詩仙畫亦仙筆墨我緣人品重聲名天許布衣傳家留
林壑藏書屋君為洞庭西山人春在江湖采藥船老覺塵埃真少味相逢猶話住山年

常熟過錢玉友河亭

時玉友亦將入都

薜荔交陰覆短牆詩人居近蒨葑房俄驚小別成三歲直訝相逢在故鄉兒摘
畦蔬供午饌婦藏斗酒佐春觴祇愁旋被饑驅出未必家餘住夏糧

大石山房

西城樓閣為虞山絕勝處

又作西城半日留短筇筋力試山遊愛隨雲氣穿仙掌笑插花枝上佛頭三面
城根三面水一層樹杪一層樓人情那得能知足好景多貪極目收

留守瞿相國春暉園

不知頽廢自何年一片傷心到目前戰後河山非故國記中花石尚平泉烟埋
平碧迷芳草血染春紅化杜鵑狼籍南雲憑檻外愁看白日下虞淵

拂水山莊三首

名園未到已神傷指點雲山入渺茫老屋尙支秋水閣墓田新拆耦耕堂藤陰
漠漠餘花紫梧徑離離夕照黃猶有游人來買醉兩湖煙月屬隣莊

滄桑殘局等閒分野史亭邊日易曛異代文章歸紀述盛時裙屐屬傳聞畫圖
夢蝶尋紅豆書劫焚魚感絳雲留取舊栽花木在罷官還說李司勳

松圓爲友河東婦集裏多編唱和詩生不並時憐我晚死無他恨惜公遲崢嶸
怪石苔封洞曲折虛廊水瀉池惆悵柳圍今合抱攀條人去幾何時

瓜州大觀樓張見陽郡丞屬題

柳梢城角影毵毵烟放桃紅水放藍到此忽驚身是客捲簾江北望江南

秦郵舟中紀事

截斷湖光別作隄一條荒影互虹蜺居民飽食黃河鯉客飯愁添濁水泥不解
天心何日轉若論地勢向來低誰憐禹貢揚州域急挽東流更向西

魚溝看桃

一村桃間一村柳日氣射花紅撲鞍此事今年真過分江南江北兩回看

與德尹同坐驟車戲作二絕句索翁康貽嚴定隅和

淮浦相逢事太奇小船同載蹇同騎與君便是同功繭不許人間有路岐
抵足朝朝作臥遊欠伸一笑兩擡頭擊殘車壁殊多事鼠穴前頭夢入騶

德尹詩有一龕恢恢之句用其意再作一首

別茅菴出已多年又結津梁道路緣添個蒲團相對坐也如行脚也參禪

從峒嵒騎驟至紅花埭

峒嵒小驛勃姑啼路入徐州漸向西若要看花須趁早防他一雨便成泥

雨阻紅花埭一日

衝風衝雨衝波浪瞥眼江湖十載餘肯信壯心銷便盡一鞭泥滑怕騎驢

望蒙山同定隅德尹作

疊翠浮嵐不記重羣山絡繹走蒼龍若論舉眼人人識只有知名一兩峯

道傍見蜨娘轉丸

不知何意轉成圓糞壤生涯大可憐翻似向人誇絕技一丸突過馬蹄前

望岱

一朵雲扶一朵蓮蓮花頂上卽青天可能膚寸爲霖雨今是乾封第幾年
至河間聞彭椒崑量移之信留詩寄之
八載循良吏初遷本分官敢云從政易轉覺致身難客路雖相左離愁此暫寬
一春傳旅食今日爲加餐

次新城先生壁間韻

餅鱸酒店兩三間塵壁題名記往還留得和詩人小住綠楊簷角鳥關關

曉過趙北口

十里風埃過鄭州忽開雙眼見清流綠楊影裏平橋路數盡漁船數白鷗
題王赤杼籬豆畫卷二首

豆葉翻翻豆莢肥檐前蔌蔌草蟲飛故園秋意忽到眼一陣野風吹客衣
沿籬手種兩三塍引蔓垂梢漸滿棚生被畫家偷樣去帶花拗折一枝藤

送趙子晦之任延津二首

青袍謁選十三年此去雙鳧便是仙滿眼簿書非俗物太行山在印牀前

車笠相逢兩不猜湖湘分手又燕臺參軍一老今頭白重與郎君贊畫來

謂彭南陔

次韻酬唐實君喜余入都之作

吹得楊花作雪飛帝城春事已全非桐經爨後孤絃絕鐵化魚來尺素稀東閣

何期今再到故人長恐見無幾詩楚茨疏幾期也白頭賸爾如新在縞帶猶堪博紵衣

附原作

唐孫華

客散梁園墜雨飛尺書驚見是耶非鄰房燈火鳴雞杳岐路雲山候雁稀飲

酒人非攻子美改名君且學劉幾長須扣戶吾遙識蚤晚將迎辦倒衣

初夏同叔毅定隅霜巖德尹坐一莖菴後香林亭

一窖黃塵沒馬蹄喜從塵外得招提出牆僧梵風吹斷拂面花枝鳥壓低溝水

欲流亭影去夕陽忽到柳陰西浮萍落絮同飄散閒繞空廊覓舊題己巳秋與竹垞水村

兩遊此

滌水亭與唐實君話舊

鏡裏清光落檻前
水風涼偏驚鷺肩
菰蒲放鴨空灘雨
楊柳騎牛隔浦烟
雙眼乍開疑入畫
一尊相屬話歸田
江湖詞客今星散
冷落池亭近十年

偶閱楊次也賣花詩戲次原韻五首

先從槐樹斜街過
旋到慈仁寺裏來
淺綠深紅春四季
跨驢騎馬月三回
分明已過早春時
駘蕩風光不自持
大抵人情誇爛熳
斷無人賞未開枝
帶來春色三分土
吹過風頭一鬩塵
莫認園丁作園主
種花人是賣花人
白白朱朱漫作堆
舊家亭館記曾栽
閱人最有花兒匠
及見園空長綠苔
草本經年易長成
豐臺美種一時并
當初芍藥原名貴
莫以花多便見輕

次韻答實君

被褐時方輕垂綬
古有戒匪材等樗櫟
不熟讓稊稗感君勿
我棄假館同瀟灑
城隅積水潭浩汗
匯衆派禾苗綠油油
牕戶明噲噲棄之爲
馬廐放眼靡所屆
庶幾東閣中得士
稱一快吁嗟及時事
忿悁疑近隘各隨出
處緣並守廉隅界
短檠光煜煜缺月
東南挂對床連夜
語里耳竊聽怪非
無蛙聒噪亦有鼠
黠獍

集泮本好音飛鴉吾豈解孤生分衰賤舊業棄土崩腰非長揖具況肯望塵拜

誰能將肺肝稽怒供裂眦鈞鈞聽曲直碁局付成敗似聞逐客議棖觸動機械

時臺中有條議國學生回本籍鄉試者

世或指鷹鷂吾其避蜂蠆國家有大計草野腕徒搯言官

例毛舉通病詎能瘥公卿非不知相視各噤齟可憐文廟柏祇用便馬疥騷除

由廡下梁木孰支壞議難決一朝吞吐苦不嘅將毋國體傷識者爲深喟君詩

雖有激風義實誥誠布衣何足云道路未償債炎埃蔽赤日六月迫行邁山田

歸及耕書籍行當賣勞筋應自息倦羽非人鍛得喪心已空須彌堪納芥

附原作

唐孫華

名士今幾人世方以爲戒良玉溷武夫嘉禾雜秕稗君才固卓爾盛製富揮

洒崇山俯培塿溟渤吞衆派魯邦久卑邾淮陰豈伍噲長安踏槐花賓與期

已屆如君得數人制科誠一快吏議聞逐客斯舉亦已隘如何辟雍中輒畫

鴻溝界網羅失長鯨敝笥愁空挂厲階誠有由壞事因鬼怪昔者夸毗子紛

紛逞狡獪伸喙餘三尺臨文無半解惡草等菘菘微材僅營蒨豈有鄉里交

但下倉荒拜大德忘丘山小怨結睚眦射羿弓旋彎會涸盟屢敗對譚語設
穿默坐心藏械螫手類蝮蛇嚙肌甚蜂蠆奪利腦競盪爭門臂各搯猥險成
世風積疚何由瘥所以當塗人疾視久噤齟驅使歸井閭淨若除癬疥高墉
惡雀穿長堤緣螳壞世遂嗤空名畫餅不足噉因噎遂廢餐此事可一喟君
性本沖和三緘夙自誠流落坐詩窮羈棲負酒債遇合會有時慎勿嗟行邁
錦段久織成何處不可賣虎氣有時騰鸞翮無長鏃一名轉瞬成行看捨地
芥

題陳履仁登車圖小影

手拂雙花五鬣雲世家文采孰如君八騶四望尋常事只要來空薊北羣

題顧書宣畫冊竹箇水仙二種

南去嘗雞糞北來食松繖指與紅竹菇畫中添土產
老根如蒜頭大葉如蒜苗欲抽一寸心待此冰雪消

雞糞產滇南松繖產勞山宜興山中有紅竹菇

敬業堂詩集卷十六

...

...

...

...

...

...

...

...

...

...

敬業堂詩集卷十七目錄

冗寄集

次韻答愷功二首

對雨戲效白樂天體四首

唐實君作憎蠅詩可補歐陽賦所未備僕不復鬥奇戲廣其意得五十韻

移榻自怡園雨後納涼

重過相國明公園亭四首

浴罷與實君步入水磨作

晚食

兩窗遣興示愷功

鷹坊歌同實君愷功作

次實君溪邊步月韻

大雨行

送唐實君遊江西

姜西溟至都二首

晚行裂帛湖上觀水勢

甕山麓尋耶律丞相墓

青龍橋

玉田觀早稻

廢功德寺

呂公洞輪菴禪師蘭若

玉泉山

題相國永城李公所藏崔白健翮麀

風圖

賦此志別

愷功將有塞外之行邀余重宿郊園

早發良鄉至琉璃河驛背偶成

涿州道中書所見

祁陽道中

晉州署中與陳六謙話舊

雨中重渡濟水

大冉橋聞雁

重至京師和德尹看菊詩二首

送卓次厚南歸

陸澹成侍講新葺書齋名懷鷗舫招

兩同人雅集分賦

題畫贈揚州王漢藻

德尹將南還次韻志別三首

大風出西直門至自怡園愷功方擁

爐讀史

題王令詒松南柳磯圖三首

洞庭秋望圖為同年姜西溟題

座主侍讀徐公將南歸感恩述事六

大首

毗陵楊青村謁選得普安令王石谷

為作黔遊圖索余題句兼以贈別

寒夜同王令詒魏水村顧書宣家可亭姪集楊晚研庶常齋分韻得寫字

僕舊有青田凍石一枚歸晚研六年矣頃遇范子方仲於京師范精於篆刻許為我摹小印而此間覓佳石不易得意欲晚研反我故物作詩先之

晚研見和前篇謂余有新蓄壽山小石援東坡海石之例欲以此易彼重違其意割愛分贈二枚再次韻速其踐諾舊石之歸有日矣來翰有邀令詒水村書宣三子屬和之語兼以示之

門神詩戲同實君愷功作四首

敬業堂詩集卷十七目錄

佛業堂詩集卷十 十百餘

漢軍文庫

漢軍文庫

漢軍文庫

漢軍文庫

漢軍文庫

漢軍文庫

漢軍文庫

漢軍文庫

南中宣德殿

南中宣德殿

南中宣德殿

南中宣德殿

南中宣德殿

南中宣德殿

南中宣德殿

南中宣德殿

南中宣德殿

南中宣德殿

敬業堂詩集卷十七

海寧 查慎行 悔餘

冗寄集

起癸酉四月
盡十二月

不到自怡園三年矣相國明公聞余至都復下榻見招時唐實君亦以謁
選北來樂數晨夕未幾實君因人遠遊余旋應秋賦倖舉京兆遂爾滯留
自夏歷冬大約園居之日多城居之日少東坡詩語似爲余設也

次韻答愷功二首

移牀來對好溪山只作漁樵共往還癖愛文人知業慧未拋卷帙趁官閒雲垂
高幕藤花紫雨放新梢筍籜斑若向此中微領會詩情原在寂寥間

樹底泉聲竹外山清暉娛客竟忘還魚無羨意鉤宜直碁少爭心局自閒春去
蘋洲風澹澹雨來花徑土斑斑畫圖光景分明記又掃攤書屋半間

時將移寓
自怡園

對雨戲效白樂天體四首

兩岸沙沈樹千帆浪拍天長風吹不斷獨鳥去無邊白酒標旗濕紅鱗出網鮮

此時如對雨最好是江船

忽聽笙歌起煙波何處尋四圍山漸澹一角日初沈捲幔通荷氣停橈隔柳陰

此時如對雨最好是湖心

一片秧針綠村村罷踏車黃梅多放鴨

鄉人以芒種買新鴨名黃梅鴨

翠剡盡鳴蛙種水牽菱

蔓開門落棟花此時如對雨最好是農家

竹色涼窗戶泉聲落珮環不知青嶂合長在白雲間籥籠分茶早襖衫挂壁閒

此時如對雨最好是深山

唐寶君作憎蠅詩可補歐陽賦所未備僕不復鬪奇戲廣其意得五十

韻

吾觀大化內鼓物同洪鑪介羽及昆蟲種類何各殊摻羅到瑣碎終非磊落儒
聊為更僕數庶用資擲揄飛者為蜻蜒穴者為蟪蛄在戶為蠪蛸在簷為蜘蛛
微明耿熠燿背殼潛蟻踰薄翅扇蛟蝶細腰祝蒲盧螻或鳴於泥蚓或歌於塗
絡緯織作巧糞蟻轉丸愚螳螂怒當輪蟋蟀勇負蝟堆積走負板腥羶集元駒

與人了無害聽彼繁有徒蠖蝮險如蛾玄蜂大如壺鉤卷

音拳

蠟刃利針聚蚊雷

羸刺蚝有瘁肌蠶尾有嚼膚昏昏蟲在禪趨趨蚤躍襦偏人雖咄咄懷毒終區
區惟蠅獨可憎其來胡爲乎汝於耳目目前本不關有無汝狀極醜惡偏俛粧頭
顛赤憤同一冠青蒼別形軀兩翼六其足公然學讒夫汝生本臭穢行與糞壤
俱只合老廁圖何當闖氍毹無端附驥尾馳騁遊莊衢無端入絹素點染損畫
圖有時集於瓜學士羣睢盱有時止於棘詩人互嗟吁聲非雞則鳴例與狗苟
呼此特論大概未足蔽厥辜客從長途來翻滌汗流珠解衣覲少憩喘息猶未
蘇汝何太相偏伺隙窺門樞我眠晨未起汝偏攬牀敷我起頭未櫛汝又環座
隅我饑進盤餐汝貪善爲狙我閒弄筆硯汝飽成墨猪汝腴我合瘦汝衆我則
孤我欲廢飲食汝方混庖廚汝于我何尤抵死相迫驅營營惑人聽有若操契
符貝錦抱萋斐不祥等狐烏懷中三寸璧點污生瑕瑜架上一卷書棄擲消擗
蒲凡此皆汝罪誅之不勝誅逝將避汝去行行復踟躕我力故難勝汝情諒應
輸天下正一家能毋懷此都乘炎且快意吾寧忍須臾

移榻自怡園雨後納涼

水轉橋迴路幾層此中真可避炎蒸陰成繞屋三年樹光吐疎籬半夜燈明月
忽隨殘雨到微風已作早涼徵野人慣領田園趣歸夢翻從借榻增

重過相國明公園亭四首

名園多在苑東偏不數樊川及輞川綺陌東西雲作障畫橋南北草含煙鑿開
丘壑藏魚鳥勾勒風光入管絃何似贊皇行樂地手栽花木記平泉
球場車埒互相通門徑寬闊五百弓但覺樓臺隨處湧不知風月與人同紫駝
臥草平沙外白馬穿花細雨中一片近郊農牧地可容雞犬識新豐

莫漫閒居比洛濱猶從泉石見經綸栽花覘土知肥瘠種樹因材識苦辛白傅

龍門無俗客薛宣東閣有奇人平生齒冷孫弘輩車廢誰論舊主賓

相國會以唐實君文

品上達
宸聽

熱客稀逢抵閉關陪遊吾亦愛投閒隙中野馬飛揚去雨後溪雲斷續還隱几
好風來北牖鈎簾落日在西山壯心敢擬蘭成賦芳樹條新感再攀

浴罷與實君步入水磨作

長日愁經夏微涼晚似秋氣蘇風到面浴罷月當頭老樹聽蟬立閒溪領鶴游
飲牛兼洗馬何處辨清流

晚食

且喜蚊蠅少林深几簟涼飛蛾輕性命殘燭有光芒帶草侵衣潤藤花落酒香
魚蝦供晚食風物近江鄉

雨牕遣興示愷功

小雨密復疎虛牕深更綠瀟瀟延靜聽窅窅盡遐矚抱葉無一蟬隔林下雙鶻
鷄鳴覺村遠水響知石觸殘夢有時醒幽情恍相續眼前領閒趣取適聊破俗
華髮脫新梳輕衫便晚浴早衰易壯嗜外垢非內辱思營五畝園未遂半生欲
此身本如寄繆算徒碌碌菟裘等蘧廬豈必皆我屬不如且聽雨濁酒貰鄰曲
醉鄉有天地避此六月溽歸計待秋涼無裝何用束

鷹坊歌同實君愷功作

風林蕭蕭夏脫木坊以鷹名似牛屋其中最大名海青戴角森然異凡畜我初
識名自遼史特產曾傳女真獨楛矢同來肅慎庭初時底貢猶臣服屢求難厭
禍旋結兩國興亡手翻覆天教此物雄海東自長窠雛成一族康熙天子神
聖姿駕馭英雄兵不續每因纘武勤校獵遠致奇毛比臣僕紫荊關外秋氣高
狐兔寧容草間伏腥風霍霍滿天地白日無光散原陸揚廬表貉出從禽王用
三驅力爭戮是時海青更精悍臂出綠鞵調養熟飜身一去高沒雲注目秋空
走馬逐蹄間十丈莽開闊驀過林巒躍坑谷忽看天半挾天鵝奔電流星下投
速羽林健兒拍手咲奏凱不煩遺矢鏃却來斂翮復依人仍以黃絛掣雙足三
時飼養一朝用如許恩波等休沐奉先性在饑附人定遠功成飛食肉不知給
俸視幾品肥瘦論斤常量腹生牛乍割血猶紅小鳥一吹毛盡禿見人作勢俄
聳肩獨立有時還側目無端對此我心惻相向移時額顰蹙獅兒噉虎魚食蝦
吞噬成風傷末俗生意漸微真可嘆殺機欲動休輕觸以仁易暴古所云恃猛
爭強非汝福我願皇天仁百物常產鳳皇生鸞鷟自然郊藪萃禎祥盛世多珍

四靈畜

次實君溪邊步月韻

雨過園林暑氣偏，繁星多上晚來天。
漸沈遠翠峯峯澹，初長繁陰樹樹圓。
螢火一星沿岸草，蛙聲十里出山泉。
新詩未必能諧俗，解事人稀莫浪傳。

大雨行

晚來怕熱喜聽雨，臥看商羊獨足舞。
五更驚覺忽砰訇，搖動空城作雷鼓。
檐前急溜非一派，併作飛濤湧堂廡。
須臾暴漲床欲浮，電火燒窗時一吐。
沈沙盡作十里坑，斫樹齊張萬人弩。
排墻墮瓦聲拉雜，助以風威猛於虎。
老翁折臂婦裹頭，露立號咷到童豎。
城門兩日不敢開，濁浪如河勢難拒。
五行厥占屬災異，疾痛況欲加摩撫。
老夫昨日得家書，見說吳田槁禾黍。
北方苦潦南苦旱，天大要是生民主可能造化一轉移。
坐使兩邦歌樂土。

送唐實君遊江西

猛雨撼城城欲動，粘天黃潦如霾霧。
阜城門外一丈泥，馬濺花鬣四蹄墮。
問君

此時有底急結束輕裝挾飛鞚故人奉詔赴西江才子持衡推小宋時宋念功編修典試

江右實君與之同行舊開東閣交最契攬轡南行邀與共文章取士意已輕科目成名俗

猶重如君致身本高第頭白挽強方命中可憐進士不得進李太白詩君為上進士不得進

積千薪苦沈壅競傳枳棘爭集猴縱有梧桐偶棲鳳紛紜野馬巧乘隙狼籍醯

雞工覆糝侏儒飽死方朔饑曷不江湖且陶縱我留輦下大可咲妄覬微名上

鄉貢初聞逐客姑逡巡旋悔為儒被嘲弄吹竽鼓瑟兩難強貫蝨屠龍等無用

布衣有骨天所憐老大寧能逐儕眾惟君知我謂我真往往清吟托閱諷郊園

木牀連曲尺荷氣藤陰滿香術二字出昌谷集風光不礙冷澹遊日月正宜瀟灑送君

今別我忽徑去舍矢難追弦就控此邦山水要君詩豈獨飛雲標畫棟匡廬舊

有讀書地我昨留題滿巖洞待君再上紫霄峯他日遊仙記同夢

姜西溟至都二首

三年一別兩蹉跎短策重聞酒市過白髮舊遊諸老散青雲同學少年多僦居

那得高賢廡支俸聊隨博學科幸是一甌留故物曾包老硯歷關河姜於滄州被盜故云

瀟落生涯久自疑
重來咲我亦胡爲
曾從祖父承餘澤
只道科名似盛時
逐客幸蒙寬後議
憐才何敢望新知
不如蚤築畦風閣
結伴歸耕未算遲

晚行裂帛湖上觀水勢

西山前夜雨暴漲
聲辟易昨日與橋平
今朝露水柵晚來規盈縮
又減三五尺
一條修尾蛇東向投遠碧
菰蒲盡偃仆上帶泥土迹
我欲追躡之前行
汨磬石初疑遇壯士拔劍斫其脊
徑開中已拆首尾猶跳擲
却坐石上觀平心隨所適
有如杯底影仰面意旋釋
人生駭愕緣多伺躁妄
隙歸來虛室中靜見鼻端白

甕山麓尋耶律丞相墓

裂帛湖東下馬行
遙聞樵斧響丁丁
盡髡草木非山罪
難向牛羊問墓名
石椁千年誰不朽
金椎一穴尚如生
我來忽墮無情淚
土蝕殘碑恨未平

明末有人發冢見一

頭加常人數倍亟閉之後掘得碣石知爲公墓

青龍橋

甕山西北巴溝上
指點平橋接碾莊
自甃清渠成石塌
盡迴流水入宮墻
殘荷

落瓣魚鱗活高柳飄絲鷺頂涼不礙蹇驢行蹩蹩有人緩轡正思鄉

玉田觀早稻

灌園餘潤及平疇千畝從無旱潦憂總結已供三壤賦陂池新奉上林遊神絃
報榮秋長早勾盾徵租歲倍收別與豳風編月令築場時節火西流
官田早米例於七月

初十前貢新

廢功德寺

瓦落空牆土盡崩雜耕猶剩兩三僧晨參柏子留禪偈夜看松花照鬼燈駐蹕

亭邊牛呵草明宣宗西郊省斂駐蹕寺中釣魚臺畔鼠攀藤寺前舊有元主賞花釣魚臺木毬斗大今安

用木毬事見帝京景物略今寺中猶供之自古琳宮有廢興

呂公洞輪菴禪師蘭若

只道山窮水亦窮忽攀石磴與雲通芙蓉殿底三重閣楊柳橋南一面風老去
文人多入道從來絕境必凌空知君欲傲長江簿佛號曾呼禁苑中
絕頂有飛閣不可上

即金章宗芙蓉殿故址

玉泉山

銷夏誰知別有灣孤雲一角截西山千家舊業鼃魚國十里提封虎豹關欄楯
離離金碧上歌鐘隱隱翠微間清泉自愛江湖去流出紅牆便不還

玉泉山舊為金章宗

避暑地故首句云

題相國永城李公所藏崔白健翮麀風圖

墨花一柄風翻荷一葉展仰正不頗傍添一葉作欹蓋上有健翮如天鵝初飛
未高去水咫已覺遠勢無江河生綃八尺畫止此妙手落墨寧誇多流傳要是
北宋物幸免小印鈐宣和若教藏弄入祕閣靖康那得逃干戈永城相國鄴侯
裔牙籤三萬森駢羅故家世寶此其一鑒賞精絕知匪訛華堂五月開示客几
席瑟瑟生迴波君不聞濠梁大圖徑三丈天女織絹鳳擲梭江天十里尚無恙
賴有好句傳東坡

東坡有題崔白大圖詩見集
中白濠梁人故稱濠梁崔

人間真蹟久難特閱世容易千

年過我詩淺薄不足道請公自賦麀風歌

愷功將有塞外之行邀余重宿郊園賦此志別

今年夏多雨所向泥塗妨君家近水園一溪綠泱泱謂宜着冗士磻戶延清光
豈惟洗塵埃直欲忘炎涼故人督我嬾促我赴舉場明知計大謬聊逐槐花忙
初秋束書出臨行意迴遑僦居宣武門人海昏茫茫猶疑清夜夢流水繞我床
昨朝急足來扣門語徬徨聞子有遠適結束隨龍驤腰懸八札弓行逐楮檜郎
可憐非汝好所用違其長憶子從我遊翩翩富辭章十三見頭角已在成人行
今來猛績學下筆尤老蒼貫穿及韓蘇結撰卑齊梁居然希作者恥與時頡頏
玉之使有成遠到詎易量重來忍言別戀戀林泉傍爲我掃庭除故榻仍在房
小雨灑籬落雜花間紅黃苦爲一宿留故意不可忘子才百事能皇路今方將
我衰萬念冷逝當返畊桑浮萍寄波濤聚散原無常參辰渺河漢耿耿遙相望
勗哉平生言卒以初願償無爲愴離合萬里如一堂

早發良鄉至琉璃河驛背偶成

喚迴殘夢得清晨詩境重開又一新淡到明河猶見月洗來灰洞已無塵

灰洞在良

南鄉之

牛蹄應鐸行偏緩馬意驚鞭策要頻慚媿琉璃橋下水鬢絲催換十年人

涿州道中書所見

折葦沈沙積潦餘高田成岸岸成渠胡良河上扶犁叟網得萍根二寸魚

祁陽道中

一村榆柳一村鴉帶井沿籬路向斜野棗風輕時落實木棉秋晚尚開花青旗

賣酒竿竿影紅袖騎驢幅幅紗迴與近畿風景別田莊從此屬農家

入旗莊戶至清苑而

止

晉州署中與陳六謙話舊

魯柝聞邾境本連兩邦爭說使君賢

晉州與深澤接壤

歌傳馴雉民方樂烏化飛鳧吏

亦仙却話舊遊如夢裏誰知岐路判樽前難拋一寸西窗燭中有離居十六年

雨中重渡濱水

路僻泥深出店遲一鞭照影又清濱敝裘自領新寒意歸雁如尋九日期倚樹

風聲尤跋扈得煙柳色尚迷離敢因遇雨嗟行役正是犁荒下麥時

大冉橋聞雁

殘荷老柳蕭蕭意秋在平橋水氣中年去年來一繩雁帶人歸信是西風

時聞北闡

榜發余名
在二十

重至京師和德尹看菊詩二首

野景貪從廟市收瓦盆高下蕊新抽風前最愛香盈袖醉後還須插滿頭老圃
別傳移種法故人來作看花遊遲開自是關天意斟酌芳期在晚秋
一籬黃葉擁村莊嘆惜陶家徑久荒九日已過初泛酒兩人相對忽思鄉古來
佳節多風雨此後清吟耐雪霜落帽臺邊回白首心情不似少年狂

送卓次厚南歸

多才能自愛失意問誰堪不作憤時語轉深吾輩慚柳條攀欲盡梅信到應探
鄉思因君觸心隨候雁南

陸澹成侍講新葺書齋名懷鷗舫招同人雅集分賦

江湖宛在小牕前便欲從君借榻眠夢作白鷗歸未得鱸鄉亭外水如煙

題畫贈揚州王漢藻

一路垂楊記泊船北湖南埭水浮煙君家舊住茱萸泝別築灣頭小輞川

揚州有茱

黃灣故云

德尹將南還次韻志別三首

數過初冬又一旬誰知咫尺有參辰到家歲月驚新曆題壁詩篇記暮春雨雪

暗侵搖落候冰霜偏老別離人獨留真覺無聊賴擬學揚雄賦逐貧

自笑逢時術未精人間無用是虛名家門似我慚為長才器如君合晚成別館

能無三宿戀歸途只要一冬晴最憐今夜霜天月畫角吹殘布被輕

小榼三升蕢凍醪也應與爾慰牢騷不因富貴思彈鋏或有英雄辨捉刀風雨

慣曾憐弱弟田廬忍便委兒曹丁寧一語煩相誠畫虎休輕學伯高

大風出西直門至自怡園愷功方擁爐讀史

萬斛沙如萬斛潮捲空殘葉剩枯條到門日影龍蛇活拔地風聲虎兕驕十里

欲迷城北路一鞭重渡苑西橋圍爐薄雪年時夢留取閒人話寂寥

題王令詒松南柳磯圖三首

自截筠竿八尺餘，偶從沙際伴春耨。人間果有絲綸手，未必臨淵便羨魚。
曾是春衣染汁新，一官臨出又逡巡。萬條楊柳風情在，猶戀當年手種人。

三畝菱租割水田，披圖閒惜好山川。歸人預作明年計，欲借橋東放鴨船。

洞庭秋望圖爲同年姜西溟題

我昨扁舟帆去聲湖水出沒鷗羣鳧隊裏，西風吹偃萬梢蘆。斗柄插空將北指，庚午

秋冬間余寓居洞庭東山君時正作桑乾客，南北相望渺千里。念君落第招君歸，已是明年

三月尾。其秋我復遊廬阜，走上雲頭振衣履。海綿片片盪吾胸，奇絕生平乃有

此洞庭。直可益益貯七十二峯，同撒米有如天半立。峨眉下視成都居，井底君

爲此圖。毋已隘，細寫秋毫入側理。男兒失路真可憐，澤畔行吟聊復爾。今來又

赴京兆試，失固其常得。差喜與君同榜獲，聯名王後雖卑吾敢恥。却披橫卷索

新句，一咲如皋方射雉。才名誤汝四十年，決踵何堪比截趾。至尊久已記名

姓，虛向蘭臺署良史。探支官俸月一囊，揮灑傭書日千紙。須長及腹誰攬之，髮

白滿頭行老矣。向來蹭蹬天有意，特與先生慰暮齒。眼前同進俱少年，感歎無

端從此始翻思舊狎漁樵伴故展煙波洗窗几不然此畫且善藏勿更題詩乞
餘子

座主侍讀徐公將南歸感恩述事六首

公竟飄然賦遂初輕裝如葉稱懸車自編永叔歸田錄誰上何蕃伏闕書臘雪
寒消傳盞後春颿夢穩挂冠餘白頭別有千秋業或恐名山勝石渠
特簡初傳出禁林文章曾結主知深敢云得馬非初意莫誤飛鴉是好音魚
尾經燒憐短鬣桐材入爨辨孤琴恩牛怨李翻多事只要羣公識此心
貫魚立鵠萬人看盡掩雲羅事最難那得高才皆入彀每聞餘怒必衝冠向來
清議寧隨俗從此朱絃恐廢彈不信滔滔將日下江湖無計障狂瀾

水底含沙豈有因何當舉國逐浮塵險經負羽沈舟會勇作抽帆到岸人難挽
頽風歸太古獨迴天意入陽春漁樵一席誰爭得私第歸來尙角巾

虛舟飄瓦閱人情得失心恬氣自平駿骨孰緣千里重鴻毛公視一官輕同朝
盡諒憐才意 聖代能全去國名恠底青衫添別淚十年門下舊諸生

絕無聊賴住京華年去空歌蘇幕遮枯樹忍攀前度柳新霜誰護後栽花愁來
客況渾如醉身在師恩豈有涯羸得陸公為舉主儘容開口向人誇

毗陵楊青村謁選得普安令王石谷為作黔遊圖索余題句兼以贈別

萬尖石筍高刺天日氣挾霧生黃煙盤江中截兩崖斷高絙一道虹蜺懸尋橦

裊裊度空際下有千斛蛟龍涎普安孤城小於斗險扼地勢當黔滇城頭置埃

城下驛官舍坐見行人肩楊君一官乃落此幸是熟路無迍躓憶君年當十八

九白面便已能談邊趨庭萬里不辭遠直過瘴嶺隨飛鳶辛酉夏秋青村省其
尊公秋屏憲副於貴

西官署余時遊黔始與相識是時西南屬兵革郡邑疾苦方顛連爾來休養踰十載瘠土已

變桑麻田 朝廷況下寬大詔積賦逋稅新除蠲君今乘傳又重到何異烏化

雙鳧仙畊煙散人好事者遠境寫入秋毫顛山川歷歷都在眼我愛此景非從

前小詩或可當別操待爾譜入琴堂絃

寒夜同王令詒魏水村顧書宣家可亭姪集楊晚研庶常齋分韻得寫

字

官閒門徑僻歲晏人事寡厭俗謝交游往還惟舊雅僦居適相近踏凍免騎馬
巷北召王猷巷南邀魏野顧生住西弄寓舍喜新假我至每劇歡招呼臂同把
北風吹天晴城上烏啞啞寒光潑初月殘雪猶在瓦此時不作達可惜白玉聲
地菘翠成菹水族鮮製鮓盤餐媚鄉味口似藟頤哆隣沽雖稍甜轟飲亦聊且
晚研以不得佳釀故其詩有濁酒甘同昵惡人之句我生類知分卽事有取舍正如熊掌魚那得兼二者
十觴竟連酌塵面爲一赭主人負詩才劈紙給揮灑敢辭押強韻數子賴陶冶
吟從夜枕續臥聽街鼓打所恨不善書當令阿買寫

僕舊有青田凍石一枚歸晚研六年矣頃遇范子方仲於京師范精於
篆刻許爲我摹小印而此間覓佳石不易得意欲晚研反我故物作詩
先之

鑿石雕蟲魚此舉誰作俑後來琢山骨價比大小珙匹夫懷奇珍惴惴初抱恐
連城旣入趙負曲敢虛擁和璧竟歸秦陋邦手徒拱自茲嗜好捐萬事成闌茸
殘編任飽蠹退筆詎銘冢空憑咄咄書硯乏纖纖捧何當餘結習往往吟肩聳

好事偶分牋塗鴉每慚悚丹砂綴小印紙尾毋已冗范子故見嗤刑敵寶非種
擲地作石聲從旁乃憇慮常時巾笥蓄有若蛾化蛹去我今六年居然戀新寵
刻舟勞記劍觸物心猶竦昨日聊叩君機鋒鬪針孔祕藏戒輕出防我或好勇
攫之寧非顛健者豈惟董輸攻力易竭墨守計仍鞏不如且姑緩靜俟天倪動
奇巧出窮人詩端忽噴涌明朝走尺蹠待命不旋踵盟渝息壤舊歸視汶田重
在我猶在君報章行及奉

晚研見和前篇謂余有新蓄壽山小石援東坡海石之例欲以此易彼
重違其意割愛分贈二枚再次韻速其踐諾舊石之歸有日矣來翰有
邀令詒水村書宣三子屬和之語兼以示之

假道蓋有由兵端實始俑君如早識此堅壁却吾珙逡巡不入境下邑方惶恐
奈何昧厥初納賂覬私擁青田吾重寶掌握失把拱豈無他山攻頑礦棄紛茸
壽山快新得餘子欲奪冢炯然珠玉光入掬似可捧圓者廉角殺方者風骨聳
昨偶出示人旁觀盡驚悚老夫喜省事羅列稍嫌冗因憶巨璞完吾家有遺種

作詩乞故物致語極憇愚兩日縈我懷有若絲纏蛹君初非豪奪繼乃絕矜寵
故以文滑稽發端特高竦鎔銖責施報計竿到桑孔平生怯小敵今見大敵勇
肯爲城下盟執筆恥南董相持兩不決京索成臯輦飛書奏奇功小利戒輕動
叩關索敵賦彼勢猶洶涌割愛忍須臾禮成門欲踵中原有好會信義隣邦重
後約勿更渝槃敦吾將奉

門神詩戲同實君愷功作四首

賺得兒童仰面看影纓衮服最無端國門他日曾懸價駟儻何人敢賣官丞相
魚魚工擁笏將軍躍躍儼登壇星奴結柳翻多事五鬼爭彈貢禹冠
揚眉氣色任充閭比較門風孰不如幾見華楹留故帖偶緡新曆當除書闥能
拒客非關汝錢可名神儘讓渠久閱人情吾勿怪過時光景合交疎

虎豹森森列幾行誰教骯髒倚門旁通侯湯沐虛傳漢

陳平封戶牖侯

進士科名尙冒

唐用鍾

魚鑰同時司啓閉雀羅終歲有炎涼相逢白日多魑魅乞與先生却掃

方

屢屢歌裏撥寒灰歲酒逡巡酌一杯凡鳥有人題字去冥鴻幾個挂冠回好官
第宅多相望野老柴荆肯浪開直與歸人占吉夢也煩呵護不祥來

敬業堂詩集卷十七

...

...

...

...

...

...

...

...

敬業堂詩集卷十八目錄

白蘋集

下第南歸留別同年姜西溟廖越千劉大山王崑繩李若華諸子二首

虞山錢劬谷屬題采藥圖二首

奉陪座主徐公遊一畝園次吳京北

韻

張灣舟次留別姚君山別峯兄弟

馬坊口大風送劉大山還京次座主韻

天津別姜西溟次韻

晚泊獨流

滄州阻風謝別峯同年餉酒二首

大龍灣阻風奉次座主原韻

德州同年李文衆招集見可園二首

四月十五夜鄭家口對月以江清月近人分韻五首

重過臨清感舊

初入牖

次日連上戴灣土橋二牖晚抵梁鄉和座主韻

阻牖

聊城和座主作

南旺分水處

卽目二首

韓莊閘口望嶧山湖

新河

出插後順流揚帆

天妃插

王楚士惠鱒魚二首

雨後過馬寒中山居

原蠶行

秋鳴集

送王子穎赴龍游教諭任

朱竹垞表兄屬題小長蘆圖用阮亭

先生體賦五六七言絕句各一首

德尹閩歸戲調之

補和大司寇徐公遂園修禊詩限蘭

亭二字二首

清流山瞻支公塔

天池山寂監禪院

過文與也竹塢草廬

夜至當湖訪李辰山不值

沈客子舊寓都門所居名獨樹移自

撰七言古詩曹實菴錢玉友湯西厓皆有和章今來索余補作仍次原

韻

塘西訪張介山病

哭同年王載安

張權六招同許舜功王載南兩學博

及兒建泛碧浪湖徧遊近山諸寺觀次東坡汎舟城南會者五人韻四

首

雨中奉陪座主徐公及韓丈子蘧放

舟夾山漾欲遊棲賢不果歸登峴山作四首

中秋鳳晨堂讌集

鄭春薦唐殿宣諸子招集湖舫二首

明日再飲春薦宅座有濮姬吳人也姿性明惠臨別口占四首

雨發江干

富春舟中先寄桐廬學博吳鹿砦

劉南村署齋同鹿砦夜飲二首

舟次桐廬聞唐實君補授儀曹喜而

有寄

嚴灘早發

由蘭溪縣坐菱白船晚至金華

登寶婺樓

金華趙鹿友明府招同家春谷兄賞菊

歸舟雜詠六首

初換烏篷船

山陰道上

重陽前一日至越州自太守以下地

主無一人在郡者即日返棹作此解嘲

晚至西興

贈紹興太守王憲尹

閱邸報知揆愷功改官翰林侍講喜寄二首

懷商林晉徵同輿登交城二首

快文酬鳳閣恩賞甚餘對謝曹喜而

賦謝王干

富春快中次青酬鳳學對吳鳳學

敬業堂詩集卷十八目錄

節錄賦吳人出秦封題鳳閣口古題贊

中好鳳皇堂雜集十首絕句各一首履春鳳閣直宿于醉樂閣後二首

其文山雲塔登對寶不果識登鳳山前因前

前二首

兩中事新學之給公文轉文于

其文山雲塔登對寶不果識登鳳山前因前

其文山雲塔登對寶不果識登鳳山前因前

賦謝王干

其文山雲塔登對寶不果識登鳳山前因前

敬業堂詩集卷十八

海寧 查慎行 悔餘

白蘋集

起甲戌三月終六月

甲戌二月將出都作詩留別諸同年座主清谿公見而垂和有下第情懷
刀劍傷之句蓋用東野詩語也時公亦將南旋買舟通潞命余隨行東野
不又云乎棄置勿復道楚情吟白蘋他日舉以似公公曰子庶能自廣矣

下第南歸留別同年姜西溟廖越千劉大山王崑繩李若華諸子二首

一顧人間事不輕敢將汲引望公卿張羅天遠鴻雙去彈鋏心粗劍一鳴誤喜
青燈回昔夢枉煩芳草勸初程歸人別有看花約明日騎驢便出城

明知歸計尙茫茫且作無聊別帝鄉下第兒還添客累當歌酒或替人狂膏肓
痼疾貧難療須鬢流年老易傷聚鐵豈堪頻鑄錯早收心力事耕桑

虞山錢劬谷屬題采藥圖二首

小年長日正遲遲算是樵柯欲爛時大抵人情多好勝偶逢仙敵亦爭棋

玉柱金庭境久闊頗聞巖谷異人間長鑣誰斷雲根斷片片飛來盡出山

奉陪座主徐公遊一畝園次吳京兆韻

履綦陳迹已多時乙丑秋先生召同人於此地雅集十載重游醉不辭初綻柳如時態軟未開

花為閨年遲罷官樂事苔邊杖去國閒情局外棋又是一番寒食過錫簫聲裏

雨如絲

一賦入張灣舟次留別姚君山別峯兄弟大鑿張雙去戰幾少遊國一書騎喜

久作京華客今知去住難老方隨計吏名不上春官別酒青燈戀離程白髮拚

眼明楊柳岸稍喜見梳竿

馬坊口大風送劉大山還京次座主韻

明波如鏡瀉天津忽捲狂飈萬斛塵酒色難寬臨別恨楊花只似未歸人家貧

不信貪為客母在尤應重此身重過杏園休悵望等閒狼藉道旁春

天津別姜西溟次韻

同是春風失意時送君真覺拙言辭杜陵旅食經年久熙甫才名一第遲青鏡

從渠增算髮白身輸客賭殘碁老來別緒兼師友那得并刀剪亂絲

晚泊獨流

關城春向盡小艇下津門風止橋形直潮來水氣渾蒲魚喧晚市櫻筍憶鄉園
歸路三千外從人屈指論

滄州阻風謝別峯同年餉酒二首

風程半日滯滄州客恨除非醉卽休安得春江變春酒薩摩陂外水如油
青旗夾岸酒家樓正坐囊空價莫酬慚愧貧交分一斗爲余親典黑貂裘

大龍灣阻風奉次座主原韻

有聲南來猛如吼白日無光移卯酉荒灣曲岸萬木僵摧折萌芽比腐朽蛟螭
勢奪虎豹窟塵堞居前砂礫後舟行逆水兼逆風或跋其尾或掣肘天公如醉
意未豁人事徒施力何有先生晏坐百怪恬萬籟無心發于喁已憑忠信涉波
濤更列圖書環左右詩成一笑自投筆臥拓篷牕見星斗江河日下是知津高
浪攤錢輸水手青春忽忽乍經眼平野茫茫一回首此時看客挂征颿何異癡

狂中風走乘流習坎吾有命底用旁觀別妍醜熟諳世路忌爭先飽閱人情能
耐久蹉跎不負遂初計神貺先生亦良厚檣烏斂翅旗脚迴頃刻雲衣變蒼狗
鄉程有期行漸近拌飭嘉魚樽貯酒朝南暮北待公歸肯讓山陰採樵叟千點
桃花一葉萍鷗波正漲茗溪口

德州同年李文衆招集見可園二首

東風有約出京華弭櫂相尋到水涯得地百年因種樹留春一日為看花

明日立夏

亭臺縱好須賢主子第多才必世家直得此間成茗芋瓊頭墨露不須賒

墨露德州

名醞也品在
盧酒之上

槐陰小徑轉閒坊猶記田家舊草堂

田紫綸司寇隔津草堂去文衆居半里余去春同康飴過之

歸路重經

疑昨夢名園欲別惜韶光濃熏酒氣茶蘼架翠滴苔痕薜荔牆最愛一軒幽絕

處紫藤花罩讀書牀

四月十五夜鄭家口對月以江清月近人分韻五首

孤舟淹旅程初過平原郡樹色燕帶齊河流衛交汶可憐一輪月偏與愁人近

已經連日風更怕宵來暈一笑起推篷清光吾有分余得近字

明月窺我船我影在船窗我起却望月影落玻璃江人影與月影無端各成雙

泡幻豈有情妄見生紛靡不如抱影坐閉目心自降右和江字

風止波亦息濁流同一清小杓夜分江龍頭注茶鐺須與波心月却向杯底生

我醉竟吸之謂是方諸精孤光入懷抱耿耿留空明右和清字

隣舟悄無聲高臥如避月此時斂舷歌撫景更清越密疑穿荇藻細可數毛髮

微風蕩酒襟涼氣入詩骨統如打五鼓篷罅猶未沒右和月字

京城豈無月眯目多飛塵從公作上元忽然涉殘春扁舟落吾手日與魚鳥親

始知天壤間清輝屬閒人行行莫回顧永結江湖隣右和人字

重過臨清感舊傷外舅陸射山先生也

重經淹泊地往事獨心驚客路貧相倚歸舟病不輕百年隨夢斷孤月傍愁生

流盡州門淚潺湲是水聲

初入牖

河滎千里曲岸束一門高不有乘流便誰知上牖勞木痕深記釜石眼密容篙
笑指長年說吾舟聽汝操

次日連上戴灣土橋二牖晚抵梁鄉和座主韻

一月郵籤算水筒快從入閘奏奇功柳綿渡港船船雪麥浪翻田岸岸風尙有

貽封尋晏子

梁鄉屬堂邑晏子食邑也

不教瀧吏惱韓公河神伎倆全無用鼻息如雷耳正

聾

阻牖

健水分支總入漕客程守牖似填壕忽飛瀑布簾垂地旋滴珍珠酒壓槽鵝鴨
淘沙還善沒魚蝦出網竟如迷人間行止原難料小住差償昨日勞

聊城和座主作

談笑封侯事不難西歸仍作布衣看紛紛眼底皆商賈只是人情戀此官

南旺分水處

一綫分鰲背千帆掠馬鬣江河方日下南北此居中水氣空灘雨槐陰古廟風

兩朝溝洫志但策轉漕功

卽目二首

關吏逢迎埃吏譁飛流一道走京華網船果熟盆池樹驛路香馳御苑花長見
名材充土貢幾聞中使出天家荔枝龍眼隨年例笑指炎荒萬里賒
子弟梨園舊賜緋樓船南下疾如飛衣冠氣盡魚龍雜帷蓋恩深犬馬歸桃葉
何心隨短楫楊花多事打春旗就中別有青衫客聽到琵琶泪暗揮

韓莊閘口望嶧山湖

嶧山鑿石東作隄天勢半落陂湖西湖波吞天入豐沛日脚插地生虹霓

湖西爲沛

縣芒碭雲氣忽斑駁倒影摩盪青玻璃須臾水光變深黑涅盡萬古蛟龍泥洪
濤怒挾風雨至列岫出沒頭皆低呂梁直下二百里但見漁舠散亂隨鳧鷖琴
高可跨吾徑去誰能臥壓篷底同鷄栖

新河

別穿地脈轉龍腰新插荒堤柳萬條故道視同甌脫地小兒爭唱復陂謠陽侯

受職工粗就幽鬼啼墳骨已銷莫道治河無善策主恩存歿冠羣僚

出插後順流揚帆

牛頭灣接猫兒窩小船出插如擲梭客程已過十六七歸夢尚隔江淮河鳴鳩
催兩麥秋近蕢酒配魚蒲節過黃流正報落槽信更喜枕上無驚波

天妃插

淮勢今年盛洪河不敢侵濁流三舍避清漲一篙深瞥眼移蘆汊回頭失柳林
生來供作帚容易待成陰

王楚士惠鱒魚二首

南歸一飽願無餘正及江淮五月初值得老饕開笑口河豚嘗過又鱒魚
辛苦漁榔逐販鮮江城一尾賣千錢朝來下箸還三數半月前頭遇貢船

四月抄在

濟寧鱒魚
已入貢矣

雨後過馬寒中山居

君家葫蘆山我家菖蒲港山淺游可履港狹行礙榜塘南十里餘野色平於掌

田塍針水足夾路新苗長兩夫肩一輿四足比雙槳前行忽坐睡縹渺入無想
漸聞竹樹聲出谷遞清響到門山亦住斗室寬且廣尊卣間圖書目存不暇賞
主人爲指似一一開疑網我老嗜好蠲因君覺背癢興來乍飛動偶發難自強
昏昏燈吐籬灑灑酒浮盎不辭日過從所願歲豐穰明朝雨決渠濕氣潤流磔
奄觀早稻熟後約赴秋爽

原蠶行

村東村西桑葉綠頭蠶不熟二蠶熟薄於片紙白於脂五月南風齊上蔟繅車
聲中湯百沸出釜持將易斗粟去年苦旱秋不登民命全憑寸絲續我聞周禮
有成法一歲不容種再浴蠶多害馬理或然物類區區別田畜國家官馬百萬
強惜薪監督煩曹郎口外官馬設內務府郎中歲收馬矢變價歸惜薪廠原蠶微利幸無禁勸汝努力須
栽桑田夫暑雨多咨怨不如且喫蠶娘飯

秋鳴集起甲戌七月盡十月

蟲之鳴秋候至適然爾而昌黎以爲物不得其平則鳴余非善鳴者也特

假蟲之鳴以自文其詩若云其志弛以肆則吾豈敢

送王子穎赴龍游教諭任

子弟芙蓉幕先生首荷梓儒風吾土近師道此時難屈首居貧地安心送老官

所欣賢尹在臭味定如蘭時繆虞良以名進士為是邑令故云

朱竹垞表兄屬題小長蘆圖用阮亭先生體賦五六七言絕句各一首

君住鴛鴦湖儂占鸕鷀浦一統志云鸕鷀湖在海鹽西南四十里今其名無可考當即黃道湖去余居十里同為蓑笠

翁貫聽菰蒲雨

種魚三畝五畝隈水前溪後溪認得隣莊老樹草堂在鸕鷀西

白首初辭供奉班一身那不愛投閒江湖老伴多星散知己無如父子間

德尹閩歸戲調之

盧橘楊梅已過期別來鄉味剩空枝八千嶺路到家日算是荔枝初熟時

補和大司寇徐公遂園修禊詩限蘭亭二字二首

別起林園十畝寬築亭何必更名蘭杯流細浪魚鱗活花補新巢燕羽乾春事

無如三月好人情特去一官難吳中父老矜稀見每到佳期約伴看

獨擅千秋著作庭文矚光透老人星官同白傅歸仍蚤樂天以刑部尚書致仕史到温公

局未停妙手成圖初見畫高僧入社亦忘形分明洛下風流在不數詩家曲水

亭

清流山瞻支公塔

石路秋花豔沙田早稻香壞牆連廢寺古塔表平岡境寂蟬聲合松高鶴骨涼

永和年號在苔蝕不成行

天池山寂監禪院

荒榛下接瓜芋區微徑漸上多縈紆山果甘垂紫桑椹僧廚脆淪紅竹菇山中

味最佳三間古殿石將泐一眼碧泉秋不枯我來登眺試脚力且喜未用青藤扶

過文與也竹塢草廬

坐閱滄桑五十年不知顏狀已蒼然世家文物傳詩畫相國衣冠傍墓田文肅公未

第時讀書丙舍喪亂後即附葬贈公墓旁亂竹巧遮行藥徑濁流閒送出山泉丈人有福能高臥一

榻秋陰萬樹蟬

夜至當湖訪李辰山不值

風色晚尤惡扁舟逆浪翻渠添浸稻水雨熟種薑村遠火欲投岸孤城將掩門
到來還躑躅疎磬報黃昏

沈客子舊寓都門所居名獨樹籬自撰七言古詩曹實菴錢玉友湯西
厓皆有和章今來索余補作仍次原韻

沈子清才在塵埃有如菡萏生淤泥又如服鹽駕鼓馬下有逐電追風蹄青衿
蚤爲命所制百甕未了酸寒蠶三年四門作都講啄粒亦到官倉穉人中愁紹
本易識孤鶴氣壓千羣雞家家朱門當大道爾獨隘巷尋卑棲歸來欠伸眉礙
戶一笑入戶頭仍低空庭得樹翻自喜有滄仰視雲淒淒忽驚霜禿九秋幹旋
見雨長三春蕙墮巢晨拾赤脚婢落葉夜掃長須奚問君此間亦何樂乃挈穉
子攜山妻狂來對客發高論塵柄手捉談天犀北郭槁枝聊隱寓東方窶藪真
滑稽孤松祇宜伴彭澤五楸大可娛昌黎翻身買權竟南下野性終近深山巖

故園喬木正合抱，町疇旁接澆花畦。昨非今是恍夢覺，涉脚尙淺幸未迷。伐檀河干等無用，美哉河水清漣兮。

塘西訪張介山病

十年小別隔江淮，重叩溪南竟藥齋。醫可活人偏善病，闈非拒客況吾儕。名場交作吹壘冷，老境詩同噉蔗佳。一髮弁山青到眼，吳興游屐與誰偕。

初意欲約介山同遊

湖州故云

哭同年王載安

判袂京華半載餘，扁舟歸造故人廬。不圖別後遊難續，只道秋來病已除。五畝未曾營世業，一名無復上公車。讀書已悔生涯誤，還望孤兒讀父書。

張權六招同許舜功王載南兩學博及兒建泛碧浪湖徧遊近山諸寺
觀次東坡汎舟城南會者五人韻四首

葑田秋漲碧鱗鱗，依舊清風起白蘋。且喜此遊客我輩，不知當日定何人。

五人著自

蘇而外皆不著姓名鱸魚入饌羹尤美，鷗鳥迎船意亦馴。載取烏巾名釀去，黃甘寧數洞。

庭春

木樨香透老僧齋爽氣宜人樹樹皆詩興賴君多撥觸秋光爲我洗塵霾
峴山客到茶如雪箬水船移酒似淮已辦芒屨斑竹杖丹梯隨意轉雲階

道峯負石還兼土遠岫當窗晴可數花到秋林不喜紅竹生幽磴何妨苦平鋪
稻壟翠千頃高引炭烟青一縷斜陽緩緩送遊人出谷猶聞上方鼓

佳處溪山意未厭塔鈴一角響風簷烟波野渡初迴棹燈火河房半捲簾愛客
不嫌官獨冷過時誰道日長炎敢誇豪氣除難盡痼疾聊從好友砭

雨中奉陪座主徐公及韓丈子蘧放舟夾山漾欲遊棲賢不果歸登峴

山作四首

過盡迴谿十里長孤城回首漸微茫風鯉曉氣魚蝦斷水減秋痕鴈驚鄉菱蔓
欲牽絲已脆荷花雖敗葉猶香船頭忽指前遊處白塔紅亭認道場

夾山漾在道場山之

陰

野色天光入望奇融成一片綠琉璃展開手卷王濛畫收拾才情杜牧詩畢竟

清遊宜寂寞尤難好景是迷離桃花莫被漁翁誤秋在斜風細雨時
選勝初期汗漫遊棲賢不到恨空留橋低忽礙尋山路興盡非關冒雨舟瓦竈
分泉烹紫笋印泥開竈試清筍買田合向吳興住蟹舍魚莊一網收

亂石多成劈斧皴窪樽亭外勢嶙峋一州文物傳孤碣

逸老堂明世廟朝鄉先生劉南坦顧若溪創碑

尚存前輩風流剩兩人屏擁弁山高簇簇簞鋪雪水細鱗鱗名園長泊鷗波畔

座

新買一舟名秋水園細數陪遊第幾巡

中秋鳳晨堂讌集

吳興我初到風景值清美縱爲冷澹遊亦戀佳山水矧迺多良朋盍簪履錯趾
十日九放舟波光嵐影裏夜歸漏必下旦輒扣門起如此以爲常行期難準擬
中秋節漸近未到先屈指朝登鳳晨堂少長各就齒森然敬愛客未覺肴核侈
是夕雨忽晴天容出新洗華鐙挾朗月湫灑落杯底倒影射空堂濛濛烟霧紫
談諧雜絲竹觴政不暇理我醉問主人雅集歲凡幾答言良會難雲散波旋委

自從庚申後十四五年矣

庚申春吾邑陳寄齋來作社集

同學近無多含情俟知己此邦富人

文樂敦執牛耳耆英洛下社子弟高陽里往往前輩交久要或在此平生好求
友出門失桑梓落魄肯見收同心庶堪倚溪山勿吾笑來往自今始

鄭春薦唐殿宣諸子招集湖舫二首

萬株老柳陰猶綠四面青山影欲沈此段秋光真冷落孤山不泊泊湖心
誰遣秋娘來喚渡忽攜風雨到尊前老夫借得纏頭費無數跳珠盡入船

明日再飲春薦宅座有濮姬吳人也姿性明惠臨別口占四首

故人道我風情在別選紅粧勸酒卮不料窮歸無好句累他羅帕乞題詞
絳蠟花開照卸頭眼波入鬢却橫流問渠肯顧舍何意一笑千金異日酬
落拓生涯大可憐江湖人老杜樊川倦游雙鬢無多白白盡紅燈綠酒前

風雨催人向婺州輕裝半月算歸舟富春江外無潮信鴉舅霜紅在晚秋

時余將往

金華

雨發江干

晶晶江光去昏昏海氣連雲沈離岸樹風漲落潮天熟路便孤客輕裝稱小船

十年遊跡在重檢舊詩篇

富春舟中先寄桐廬學博吳鹿砦

朝發定山村暮投富春渚清江帶小郭檣影稀可數已飽挂帆風猶聞滴篷雨
山環水疑盡水轉山復吐本為寂寞遊未覺應接苦桐谿喜漸近中路有賢主
劉南村署齋同鹿砦夜飲二首

浙西山水縣最好是桐廬地僻本無事君才長有餘秋林聞割漆晚岸見罾魚
許我來相就嚴陵好卜居

故人多薄宦邂逅見交情燭院三更話風江半日程山肴蒸栗熟法醞帶泉清
醉裏騎官馬星光照出城

舟次桐廬聞唐實君補授儀曹喜而有寄

謁選初聞欲赴秦唐已選朝邑令奉旨特留改官特荷主恩新起家科第原難料得路

文章洵有神東閣游揚因客重南宮期望感君真欲知喜動江湖色忘却身為
失意人

巖灘早發

紉如鼓打巖頭戍催起栖鴉天未曙飛星過水如有聲苦霧迷津忽無路長年
眼昏心手熟已報前灘暗中渡遠氣臃臃日射穿秋光紅上巖陵樹

由蘭溪縣坐茭白船晚至金華

疎林野岸開平遠漠漠江天秋向晚陸龜蒙鴨戴嵩牛一帶村家供畫本赤松
門外問長年指似金華小洞天偶然走入羊羣裏去作人間狡獪仙我與初平
稱莫逆重來已是千年別可惜巖頭乏主人亂山依舊堆頑石

登寶婺樓

斗杓倒插勢凌虛高出城端五丈餘一雁下投天盡處萬山浮動雨來初別開
戶牖通呼吸旁引風雲入卷舒八詠門荒詩境改讓他仙子占樓居

金華趙鹿友明府招同家春谷兄賞菊

四先生里古金華循吏如君自一家早稻喜嘗豐歲酒秋庭閒放午時衙官同
彭澤宜栽菊客到河陽許看花猶勝寒氈貧博士朝朝巖洞訪烟霞

春谷兄時
爲府學教

授故戲
云然

歸舟雜詠六首

湯溪蘭蕊及秋香
覓本猶煩遠寄將
多謝故人先損惠
兩頭載酒作重陽

教授 兄許

覓秋蘭見寄舟過蘭溪陳進士
紫馭以名酒相餉故並及之

南遊何事太匆匆
及取歸帆半月中
轉盡清溪三百曲
萬株烏柏一霜紅

恨不清江處處灘
一聲鳴櫓下奔湍
來船莫妬歸程速
我亦曾經上水難

昨到金華洞口還
明朝又看浙西山
風前自覺衣衫重
穿過千重濕翠間

青山漸遠漸模糊
散入雲烟澹欲無
畫手稀逢王子久
詩家別寫富春圖

滾滾秋濤浩浩風
烟茫茫處雨濛濛
不知誰割東西界
半幅江山展越中

吳山無初換烏篷船

濤江日夜攪秋天
聽雨聽風那得眠
莫怪朝來貪晏起
烏篷夢穩越人船

山陰道上

道德經翻晉永和
書家好事例傳訛
至今似帶羲之癖
風俗村村愛養鵝

重陽前一日至越州自太守以下地主無一人在郡者即日返棹作此

解嘲

夢寐平生慕越州偶然訪舊作東遊半醒半醉他鄉酒黃葉黃花古郡秋九日
溪山無地主一天風雨在歸舟此身到處初乘興與盡誰能更強留

晚至西興

魚菱論斗米論斤蟹膏擘臍驚割裙豐年亦覺旅食好一飽媿與居民分詩人
好游無定處乘流則行得坎住吳山滿眼待登高暮雨西興挂帆去

贈紹興太守王憲尹

千巖萬壑浙江東典郡聲華迥不同七十葉傳王內史二千石視漢三公誇人
詩句蓬萊上寓意文章山水中誰似先生觴詠地蘭亭原是舊家風

閱邸報知揆愷功改官翰林侍講喜寄二首

邸報傳來遇絕奇才名一日動丹墀不矜官爵由門廕獨愛文章結 主知跋
驚敢爭騏驥路拙鳩休奪鳳皇池未妨小變平生格從此須工應制詩

知子無如我最真性情長與一編親有才畢竟難埋沒此事曾經共苦辛草閣
孤燈回白首荷塘昨夢隔紅塵記去年沈吟爲感傳書意可少當時唱和人愷

功屢馳札促余北行東江已補官禮部故並及之

敬業堂詩集卷十八

...

...

...

...

...

...

...

...

...

...

...

...

...

敬業堂詩集卷十九目錄

敝裘集

敝裘二首

山塘與德尹別

家二瞻兄八十壽

題從孫汝誠倚劍圖二首

發揚州留別汪庚齊

夜宿邵埭

淮浦冬漁行

輓喬石林侍讀

從孫恆侯自淮安送我渡河口占志別

逆旅行

宿遷遇巡河使者

邳州道中雪

雪後風日晴暖

夜至馬陵

滕縣

嶧山二首

過兗州城外有感

冒風過東平州暮投張秋鎮

館陶早飯題壁

大風至鄭家口

戲題旅壁畫龍

野氣詩

趙北口坐冰床

白溝旅宿感舊

立春日同愷功侍講作即用敝裘二

首韻

再疊前韻示愷功

讀白奪山人詩和愷功三首

酒人集

西厓四十初度援筆為壽兩人交誼略見於此非祝嘏之詞也

元夕前三日飲惠研谿寓齋與錢玉友亮功分韻

與陳六謙戶部話舊

上元夜同唐實君趙蒙泉宮友鹿家

聲山飲姜西溟同年寓分韻得兩字

王赤抒新葺一齋名曰野航邀余對酌出詩索和即次原韻

白田喬侍讀有家伶六郎以姿技稱己巳春車駕南巡召至行在曾蒙

天賜自此益矜寵庚午四月余從京師南還訪侍讀於縱棹園酒間識

之有青衫憔悴無如我酒綠燈紅奈爾何之句時東海徐尚書射陵宋

舍人慈谿姜西溟俱在座相與流連彌夕而散去冬北上重經寶應則侍讀下世旅櫬甫歸余入而哭之盡哀何暇問六郎蹤跡矣及至都下聞有管郎者名擅梨園一時貴公子爭求識面花朝前八日翁康鉛戶部相招為歌酒之會忽於諸伶中見之私語西厓曰此子何其酷似白田家伶蓋余向未知六郎之姓也西厓既為余道其詳竟酒為之不樂口占四絕句以示同席諸君

題楊次也所藏朱北山墨繡毬花 花朝實君招同西溟蒙泉研谿西厓

友鹿聲山寓齋雅集分韻得過字青字 料絲燈史畊巖學士屬和即次原韻

題項霜田讀書秋樹根圖 友鹿寓居孫公園與實君蒙泉端木

四首 同巷僕及西溟聲山相距稍遠友鹿作比隣詩二章亦來索和因次實

君韻奉答 友鹿復次韻見寄恐其有過督司閹

之意再疊韻解之二首 盧樗菴七十壽詩

之意再疊韻解之二首 盧樗菴七十壽詩

送勞書升通政養親歸里

豆腐詩和楊芝田宮坊四首

問西厓病

戲題曹希文寫生蒲萄冊

再題朱北山所畫松鼠蒲萄

爲次也題秋花小鳥畫卷

研谿傳札訂望後出郊看杏花夜來微雨恐阻茲遊晨起風日晴明喜而

有作

送畢兩稼

三月十六日同西溟實君蒙泉研谿六謙耑木石城友鹿永年向濤霜田

亮功次也南陔至興勝寺看杏花三首

看花之會已成七律三章朝來耑木分牋屬賦七言歌行再作一首

狄向濤庶常訂同人會飲海棠院是日僕適有他招別請卜期研谿以詩

相惱戲答之

三月晦日向濤治具招同西溟實君

文饒研谿六謙耑木霜田亮功次也南陔岱瞻宗岱社飲寄園向未與

會而今至者則胡芝山周漁璜張天門陳堯愷姚君山玉階兄弟

陸澹成侍讀招飲丁香花下同西溟崑繩寄亭作

何倬雲戶部招諸同人飲藤花下 四月八日飲劉兩峯新寓分韻得佳

字 題張浦畫太白像

題張儀山中丞溫陵紀事後 贈范方仲

為翁景文題畫 宣德素鼎歌為山左李繩其作

翁康飴寓齋看芍藥分韻得面字 送趙二聞郎中分巡兗東二首

送鄭禹梅郎中出守高州三首末章兼示茂名宰王令詒

送陳梅溪之任階州二首 古詩五章呈吉水大司農李公

次也讀書王園夏日偶過之索詩題壁

虞山嚴杏修為尊人仲甫先生乞六十壽詩并以錢湘靈玉友亮功所賦

五七言長篇見示故詩中並及之

酬同年張聲百秦中見懷之作 以詩乞王麓臺給諫畫山水

麓臺次韻見酬再疊前韻 王服尹見和乞畫詩三疊前韻奉答

計閻昭索題看菊圖 題曹渭符舍人畫扇

費子葛陂屬題小影

題趙天羽給諫小照

送同門朱介垣掌科請假還吳

希文將南歸次淵明田居詩韻來索

和章四首

敬業堂詩集卷十九目錄

費子葛陂屬題小影

送同門朱介垣掌科請假還吳

和章四首

敬業堂詩集卷十九目錄

費子葛陂屬題小影

送同門朱介垣掌科請假還吳

和章四首

敬業堂詩集卷十九目錄

費子葛陂屬題小影

敬業堂詩集卷十九

海寧 查慎行 悔餘

敝裘集

起甲戌十一月終十二月

入都凡三度多在春夏之交未嘗從風雪中跨驢也甲戌重陽後自金華歸里兩接愷功札促余北行遂於長至前五日束裝一羊裘已十五年裘則敝矣而行役尙不知止可嘆也

敝裘二首

中道誰能便棄捐蒙茸雖敝省裝綿曾隨南北東西路獨結冰霜雨雪緣布褐不妨爲替代綈袍何取受哀憐敢援齊相狐裘例尙可隨身十五年冷暖相關老倍知黑貂何必勝羊皮留同敝袴非無用好比緇衣或改爲取醉難償村店值有人還當釣蓑披家貧舊物無多在不忍吹毛更索疵

山塘與德尹別

歸何草草草出匆匆聚散全非意料中長路一痕添日綫

是日冬至

征衣幾縫裂霜

風未論去國經年別且喜停舟五夜同
記取欲眠頻坐起半塘橋北虎丘東

家二瞻兄八十壽

我觀造化初無權仁者自壽其天全
老翁小兒兩遊戲直以渾沌還吾天
不為物用而用物歎洩元氣成雲烟
古來絕藝兼者罕鍾王顧陸各各專
輞川摩詰書未稱三絕獨數滎陽虔
眉山海嶽不復作松雪兩派猶相沿
先朝倪沈及文董筆力亦足追前賢
吾兄妙手靡不備書法入聖詩能仙
偶然點染作圖畫別有天授非人傳
興來百紙一掃盡散去半落雞林船
貴游踏破鐵門限欲乞尺幅終無緣
有時自銘退筆冢經歲或乏看囊錢
乃知此事因品重兄豈自負人云然
維揚地薄耆舊少流寓欲占文星躔
今年九月屆大耋初度恰在重陽前
一門諸弟頭盡白謂楷五秋山兩兄
茱萸醉插隨兄肩羨兄晚節比彭澤
祝兄添丁如玉川兒年二十翁百歲
及看舞袖黃花邊

題從孫汝誠倚劍圖小影二首

櫛具橫腰首祿巾天然秀骨出風塵
乃翁已被從軍誤

傷尊公荆侯

勸爾休為佩犢

人

義獻門風世共推

汝誠為二瞻
兄嫡姪孫

階庭蘭玉總多才自言劍術通書法曾看公孫

妙舞來

發揚州留別汪庚齋

旅況殘年最不堪何期邂逅作深談向風嘶馬程程北背雪飛鴻片片南殘燭
乍移寒減半征帆欲挂酒行三隋堤柳態禁搖落也傍汪倫百尺潭

夜宿邵埭

水柵千家市煙村十里橋蘆灘聲雪雪燈舫影搖搖風止鷗機息寒深酒力消
獨眠無好夢愁度最長宵

淮浦冬漁行

長淮冬涸成溝渠風雪夜折荒洲蘆小船沖沖鑿冰去冰面躍出黃河魚衝寒
捕魚作漁戶手足皸瘃無完膚三時轉徙一冬復淵數偶寄蝸牛廬無田不得
事農業有水尚欲輸官租自從十年淮泗滿平地下受滔天湖誰驅鱗介食人

肉漏網幸脫鸞刀誅得時鼉鼉聚窟宅失勢魴鯉充庖廚眼前竭澤有餘憾取快報復聊須臾但看明年春水上魚鱉又占居民居

輓喬石林侍讀

本朝治水關全局東下狂瀾勢難復先生獨以手障之言卒施行身蚤逐微車北去全家懼昇櫬南歸萬人哭百年陰德被淮揚公在九原應瞑目

從孫恆侯自淮安送我渡河口占志別

吹斷西風雁一繩離情鄉思兩曹騰醉衝白日孤城霧曉渡黃河十里冰去意隨蛇遮不住識塗如馬老偏能未應輕別淮南路隻影從挑夜夜燈

逆旅行用王半山轉韻體

行人為客居人主聊以稱呼代爾汝入門不揖出不辭主今知客却為誰等閒無事休為客幾個相逢尙相識相逢相識非不多賢於逆旅能幾何

宿遷遇巡河使者

使者冬行水居人歲避河暫時停畚鍤何計脫風波賦斂殘年急隄防下策多

皇華期盡職報稱意如何

邳州道中雪

野闊黃河岸天低下相城幾家沙際沒單騎雪中行漸壓輕裝重俄添老眼明
路難兼歲晚那免嘆孤征

雪後風日晴暖

陰霾一夕解重圍頓覺朝來朔氣微得暖渾如杜康力殺霜終是趙衰威細流
飲馬知冰釋殘雪隨風作絮飛至竟村翁勝行客茆檐晴曬木棉衣

夜至馬陵

苦霧噴沙氣若蒸荒程月黑夜無燈前岡十里黃茅路野火光中見馬陵

滕縣

客從宿遷來日日灌莽裏今晨到滕縣孔道平如砥民居稍稠密田野亦勸理
疎樹排棗梨短樊插棘柶雞豚飯商賈葱薤飽婦子居然似樂國以彼乃形此
滕當戰國時褊小五十里自從置郡邑其大實倍蓰縣令視諸侯提封非昔比

西南際蕭沛豁達開顧指回頭淮泗郊窪若陷井底可憐百萬戶頻為蛟鱷徙

山東地勢高厥患不在水所期一尺雪二麥青可起山左自四月至今苦旱

嶧山二首

泰岱分餘脈差堪比附庸祇因生下邑讓爾作奇峯

作俑何人始吾將罪李斯如今山上石多刻去思碑鄒滕之間丞尉以下俱勒石頌德政

過兗州城外有感

泗水橋西路垂鞭去意遲老為東郡客才減少陵詩白日黃塵暗孤城萬木悲

遺民應已盡莫問亂離時

冒風過東平州暮投張秋鎮

沙旋頭疑眩聲喧耳欲聾不愁衝凍雨直怕遇狂風土銜煤煙黑爐灰豆火紅

老妻加被絮今夜奏奇功

館陶早飯題壁

楊椿迷野岸棗刺拒城壕小縣門常閉紆途僕告勞半窗東日暖一飯北風饕

聊記吾曾到留詩過館陶

大風至鄭家口

黑雲奔騰西北來平地忽陷山疑頽簸揚砂礫作糠粃雜以萬斛葭蘆灰陽鳥
退飛翅摧折天狗下墮聲喧逐千年樹拔虎豹窟四海水立蛟螭堆我行到此
迷失道馬立岐路嗚徘徊意中不了了識村落目所未見終疑猜夕陽乍吐鄭家
口豁若明鏡函初開半年遊跡入醉夢下馬更盡當風杯

結處
及之

四月十五夜奉陪徐
座師於此地看月故

戲題旅壁畫龍

誰言尤物性難馴長養方成爪角鱗畫手不然爭貌得可憐曾傍豢龍人

野氣詩

朝陽射北陸野氣何迷濛忽生無根雲幻作有影風沄沄水波去冪冪村烟封
千林皆動搖四顧爲虛空我聞氣升降閉塞方成冬而此從何來吹萬將毋同
大哉古今宙都攝一氣中鉅者運鯤鵬細或吹蟻蠓試從一身論可以究始終

恢恢賢聖途剛大乘降衷養之塞兩間浩然靡不充若者爲正氣仁義澤厥躬
反是則爲邪百感交外攻五事協五行輕清秀所鍾不鑿渾沌竅自然得玲瓏
若者爲清氣視明聽亦聰反是則爲濁人心有盲聾生氣眎初發萌芽葆萋蒙
不敢輕散抒所以厚蘊崇若乃礪啖刃旁開騁談鋒是名曰殺氣取快誰見容
朝氣爽且朗古鑑磨青銅不事察察明謙謙與人恭其或長傲慢鴟張徒予雄
是名曰暮氣衰至驕必叢凡此機相關動與呼吸通不知野氣者其類當奚從
或如葭蘆灰候至應管筒或如古井水冬暖冰常融然而無附著所向皆游蹤
於人似客氣往來日憧憧熏面使薰黑醉顏發狂紅移之入釜鶩饋餽侈然豐
移之襲官骸咳噓歎羶零又疑天壤內物理難終窮蒸沙詎成搏煑石豈得鎔
受性不受氣造化誰尸功不如且坐睡萬象歸朦朧

趙北口坐冰床

古堤老柳一時僵水腹初堅黑白洋稍與長途休馬力冒寒半日坐冰床

白溝旅宿感舊

南北勞勞已十霜瓦橋關外又嚴裝今宵新月入窗早去日小囊如我長斑鬢
重來無伴侶甲子入都同錢玉友翁樹服己巳則家次谷陳元之庚午春同姜西溟南歸甲戌復偕翁康鈺輩北上皆宿此店舊題幾
字失偏旁燕南酒美魚羹賤不解愁人獨憶鄉

立春日同愷功侍講作卽用敝裘二首韻

土牛寒氣漸應捐猶戀征袍未拆綿東閣探梅還有信西堂夢草獨無緣憶德
春生帝里如相就老傍侯門越可憐南去北來成底事暗消髀肉是今年
逝水流光黯自知依然一室對烏皮冰將釋硯真吾幸雪可搏獅任客爲老柳
受風終蕪約孤松經凍太離披詩從鍊後鋒銜出正要旁人摘小疵

再疊前韻示愷功

半生習氣老來捐熨貼終輸裏鐵綿待兔祇疑株可守求魚方悔木難緣偶然
鴻爪留還去果否蛾眉妬是憐一種東風消不得鬢邊霜雪又增年
海內人才略可知也曾高會與南皮三年刻楮將安用一技雕蟲壯不爲酒市
天寒愁客散書帷晝靜喜人披與君相對春風裏只有冰壺不掩疵

讀白奪山人詩和愷功三首

亭長臺邊一酒徒仰天故作大聲呼氣驕星宿生芒角手擘山川入陣圖急縛
何人櫻怒虎叢祠有鬼托妖狐眼空江表衣冠族搖筆猶堪殺腐儒
人謂狂生本不狂漆身吞炭事何常亂餘賓客搜亡命赦後英雄恥故鄉寶劍
塵封三尺水麻鞵寒踏九州霜隨身一掬瀾翻泪不哭窮途哭戰場
一卷頻浮大白開卽論詩句亦雄才到天峭壁千尋立破浪長風萬里來石火
光中亡國恨鐵函井底後人猜可憐芒碭無雲氣山色於今死若灰

酒人集

起乙亥正月盡六月

甲戌偪臘抵都偕家聲山僦居宣武門外與姜西溟惠研谿寓舍相望自
新年始約爲詩酒之會吳中則唐實君趙蒙泉海陵則宮友鹿七人而已
湯西厓錢木菴亮功兄弟時或一至後益以翁康飴陳六謙狄向濤楊崑
木稍爲好事所傳他有宴會牽率入座大約月必有集集必有詩聲非擊
筑名托酒人各有取爾也

西厓四十初度援筆爲壽兩人交誼略見於此非祝嘏之詞也

甲子夏五月我初客燕山逢君槐樹街披豁示肺肝君時二十九譽滿公卿間
我長慚七年姓名尙泥蟠居然荷兄事齒序非所安因緣求友生稍使徑路寬
寧知遇秋賦剛足同蹢躅古寺郭西門蘋虬柿垂丹霜天夜蕭緘落葉堆空欄
男兒屬有才九萬終鵬搏向來輕薄子洗眼爭相看我時仍失意寸進弓難彎
不敢怨窮途借君激頽頑長恐命運薄終身比劉瓛

音桓

皇天困斯人日月雙跳

丸丘壑閉冪霧江湖駭驚湍側聞夙昔遊一一趨金鑾如君尤聳拔刷羽超鸞
鸞落筆中書堂集賢羣聚觀大官饌常賜內府金頻頒 至尊賞文辭步接躋
坳班猶能念微賤枉札來榛菅感君期我深暴棄難自捩勸我舉京兆送我赴
春官憐我下第歸臨岐話悲酸誰當旣得路枯菀仍相關長途冰雪交鶴語今
年寒還家席不暖又韞衝風鞍人皆嗤此來此來豈無端君年適四十正及叨
杯杓君壯騰青雲我衰改朱顏詩成非善頌聊記平生驩

元夕前三日飲惠研谿寓齋與錢玉友亮功分韻

春寒半月透重繻曲巷層冰凍尚堅策蹇人尋行樂地快晴天趁挂燈前侵陵
白髮違歌酒惱亂朱門沸管絃誰似閒官能愛客朝衣典去作新年

與陳六謙戶部話舊

二十年前兩酒人京華相見意尤親田園蹶返如孤客邸舍翻來作近隣難就
微名成我懶未除宿習取君真狂言自駭家僮聽誰識忘形舊主賓

上元夜同唐實君趙蒙泉宮友鹿家聲山飲姜西溟同年寓分韻得兩

字

北風未解嚴刮面射強弩富兒馬足塵游子衣上土我有同年生一椽望衡宇
每因赴讌會暫得命儔侶時節近上元滿城競簫鼓公卿例召客僕指略可數
燭幌白生虹燈屏紅窳堵空明大圓鏡爛熳散歌舞可憐玉川居破屋用茅補
荒庭一堆雪月色帶清苦也復呼其羣經營同地主不辭口腹累為愛風義古
酒行爵踰三穀列簋倍五先生鄙肉食下箸輒欲吐如何點食單亦溷烹魚釜
西溟性不嗜肉或誤食必以
清水灌盥而盤餐乃具此味即此毋已奢誰能諒貧窶我窮興蕭索藉爾作豪

舉雅令旣匝巡拇陣捲風雨主人但旁觀堅坐恣狎侮肯爲餅告罄相勸力須
勞新詩信手成險韻鬪虡虎費君三月俸醉我一夕許忽聞耳熱歌寒律變温
煦

王赤抒新葺一齋名曰野航邀余對酌出詩索和卽次原韻

忘機到處總虛舟別起齋名借櫂頭已是除塵得瀟洒若教臨水更清幽兩三
人可同君坐五六年應爲此留閑殺鷗邊好風景荷塘宜夏蓼宜秋

白田喬侍讀有家伶六郎以姿技稱己巳春 車駕南巡召至行在曾

蒙 天賜自此益矜寵庚午四月余從京師南還訪侍讀於縱棹園酒
間識之有青衫憔悴無如我酒綠燈紅奈爾何之句時東海徐尙書射
陵宋舍人慈谿姜西溟俱在座相與流連彌夕而散去冬北上重經寶
應則侍讀下世旅櫬甫歸余入而哭之盡哀何暇問六郎蹤跡矣及至
都下聞有管郎者名擅梨園一時貴公子爭求識面花朝前八日翁康

鉛戶部相招爲歌酒之會忽於諸伶中見之私語西厓曰此子何其酷

似白田家伶蓋余向未知六郎之姓也西厓既爲余道其詳竟酒爲之不樂口占四絕句以示同席諸君

鬢影衣香四座傾風流爭賞米嘉榮就中獨有劉賓客曾聽涼州意外聲
鴨桃花外小池臺激灑觥船一棹開春色滿園人盡妬 君王前歲賜金來
一羣穠豔領花曹頭白尙書與最豪記得送春筵畔立酒痕紅到鄭櫻桃
茶烟禪榻隔前塵存歿相關一愴神自琢新詞自裁扇教成歌舞爲何人

題楊次也所藏朱北山墨繡毬花

春風壓簾吹不動簇蒂攢莖密無縫美人纖手搓欲圓嬌鳥一梢低更重駢枝
倒挂玉蕊仙暖氣散作藍田煙粉痕洗盡墨光出自有此花無此妍

花朝實君招同西溟蒙泉研谿西厓友鹿聲山寓齋雅集分韻得過字

青字

二月無花看今年雨雪多不辭官獨冷翻喜客頻過洒掃門庭潔芟除禮法苛
愛君新句好諷諭擬元和

客久頭垂白交深眼倍青坐銷愁裏日來聚酒邊星假借通隣曲盤餐及使令
春郊花事近後約更旗亭

題項霜田讀書秋樹根圖

讀書未必皆識字涉獵耳目爲窮探此生枉伴蠹魚老飽蝕卷帙寧非貪文成
有韻或吞剝事出無據徒撻擗熟從牙後拾王李纖入毛孔求鍾譚橐駝馬背
所見少自享敝帚矜著簪雷同不滿識者笑人盡能此燕無函蘭苕翡翠稍秀
異什伯略可數二三時情祇取供近玩崇雅刪鄭誰能諳我持此論衆大怪相
戒勿聽無稽談廿年硯田困衣食撥置夙好隨嬰媿排辭偶向受人役渴飲墨
汁同潘泔有時間作崑強語蓼辛荼苦終非甘項生乃有嗜痂癖謬辱推許張
頤顛謂余頗可附同調與別白黑分青藍君才於世故無匹氣象外拓神中含
屢遊京洛結文社獨向魯國稱奇男空拳亦足搏犀兕大鼎詎止容罍甌一鞭
入海走巨石千丈倒壑回枯柵逍遙鸞鶴控紫極活潑魴鯉游澄潭才高氣盛
心轉細獨繭一一絲抽蠶問君此境豈易到確有階級難旁參向來正得讀書

力閉戶萬卷曾沈酣源流正變瞭指掌北斗在北南箕南光開飛電十行下機
發伏弩千鈞擔搜奇抉險富詩料然後所向無矛鏃庭空樹老得秋早霜色染
葉黃於柑一編信手愛露坐何用白石藏書菴命工作圖索題句廟壘相對吾
奚堪遇君尙應三舍避君愈降氣余彌慚詩成乞與摘紕繆蹇鈍猶冀隨驂驪
此間風景有何樂曷不歸去同書龕

料絲燈史畊巖學士屬和卽次原韻四首

勿論萬縷與千絲似密還疎製絕奇玳瑁筵前凝作片珊瑚網底爛生枝華堂
金屋年年換錯綵粧花種種宜表裏孤光原洞達嚮騰醉眼任斜窺

宛宛長廊小院東藕絲不斷望疑空巧穿針孔玲瓏影吹透冰肌綽約風簾幙
花深長帶霧畫圖山淺忽生虹琉璃太脆紗紋薄獨愛韜光黯淡中

更從何處着纖塵亞字文迴古錦茵斜拂楊條藏語鳥密牽苔綫過游鱗顏筋
柳骨書家格吳帶曹衣鏡裏身併作清輝開四照不勞明月吐芳津

駢枝儷葉技同稱點墨何愁誤不與射角星芒殊睒睒照人風骨自稜稜金波

蕩月成方折玉氣生烟隔幾層還與石湖添紀事詩家新賦料絲燈

范致能有上元吳中

紀事長律所載燈名甚多獨不及此品

友鹿寓居孫公園與實君蒙泉耑木同巷僕及西溟聲山相距稍遠友

鹿作比隣詩二章亦來索和因次實君韻奉答

馬蹄纔過又車輪廣術相逢亦太頻不惜往來隨步履預防倡和損精神過牆

濁酒能供客鑿壁餘光倘借人便與中央成鼎足姜居西舍我東隣

時余移寓琉璃廠東

造門不見等離居俗例持牢急破除

余兩詣友鹿俱阻于闈

僮約一條申典謁客談幾處

省傳書巷連畢曜宜相就雨過蘇端肯見疎添取新篇爲日課與君直似共鄉

闈

友鹿復次韻見寄恐其有過督司闈之意再疊韻解之二首

過門何止十朱輪只有窮交不厭頻語帶滑稽吾是戲弊清摘發爾如神犬應

勿拒重來客花亦爭窺舊識人從此得閒須徑造巷南巷北總芳隣

老屋西頭勝傲居門前無草不須除未妨排闥來驚臥且喜還瓶肯借書蹤跡

漸同詩境熟形骸終要禮文疎他時野老曾爭席記得漁樵狎里閭

盧樗菴七十壽詩

我愛盧仝居翛然數間屋先朝孝廉宅過者猶屬目再傳世其家門徑不改築
一經稟庭誥自教兒郎讀早年赴舉場高步关馳逐同儕重先輩子弟尊者宿
正坐業太精翻令身久伏科名人拾芥官爵鶯遷谷白髮迫衰年青衫自初服
神恬遜無悶學殖富有蓄紅扶壓架花翠擁遮隣竹刻鳩拄杖頂放鶴前山足
世自開如蛙吾方靜如鵠回看軒冕客萬事徒碌碌分定兩不爭生涯籌已熟

送勞書升通政養親歸里

吾鄉前輩楊司馬曾脫朝衫換彩衣祖道回思十年事都亭又見一人歸白雲
去國情相似黃髮娛親古亦稀不是明時輕解組五湖煙水屬春暉

豆腐詩和楊芝田宮坊四首

服食神仙事不難磴牀幾轉便還丹

世傳淮南以丹藥點成

凝來石髓風猶嫩點出春酥

露未乾倒篋易償隣叟值顧名原合腐儒餐人間賣菜多求益休與先生溷一

梓

蛙瘦熊肥兩不知太常終歲是齋期半炊土竈然其火一頃山田種豆詩饗子
貧家先染指廚娘纖手並凝脂來其鄉味君休笑三德虞家有贊辭

事見虞伯生集

滑可流匙勝冷淘不爭舌在齒牙牢渾忘肉食聊名儉偶佐村沽亦足豪烹雪
也宜施翠釜割雲初不費銀刀胡麻別試山僧法口腹窮奢笑老饕
茅店門前映綠楊一標多插酒旗旁行廚亦可咄嗟辦下箸唯聞鹽豉香華屋
金盤真俗物臘糟紅麴有新方須知澹泊生涯在水乳交融味最長

問西厓病

小閣藤牀勸獨憑門前仍遣小僮磨一家多累愁何益四海無醫感又增春酒
呼兒看滌器夜碁留客對挑燈可知七發真良藥莫謂先生病未能

戲題曹希文寫生蒲萄冊

東郭鹽咸陽冶朝入羊暮騎馬生不願封萬戶侯亦不願領西涼州但願蒲萄
垂乳比桑葢日日飽噉只學林間鳩若使一官值五斗家家爭釀蒲萄酒枝頭

無紙上有誰能截取老僧手

圖為鑒上人
所畫

再題朱北山所畫松鼠蒲萄

兒童把竹竿飛鼠未可逐暮四復朝三蒲萄秋正熟縱使身輕化蝙蝠可憐兩翅仍兼肉枝頭漸空莫緣木明朝去竊官倉粟

爲次也題秋花小鳥畫卷

一株鴨脚葵色映紅黃紫雞冠似經鬪碎葉垂披靡無端青螿蝦失勢忽落此當其奮鬪時寧料草間委飢禽不汝蕢集啄紛爪觜似爲蟬復仇反覆乃物理二蟲何厚薄是亦可以已我欲解其圍毫端呼不起

研谿傳札訂望後出郊看杏花夜來微雨恐阻茲遊晨起風日晴明喜而有作

臥聞檐雨滴塔鳴意外東風曉放晴爲作報書貪早起門前吹過賣花聲

送畢兩稼

古藤花底逢朱十爲我長吟畢四詩滿眼酒徒星散盡送君還憶識君時

余初識雨

稼於竹垞
先生寓

三月十六日同西溟實君蒙泉研谿六謙端木石城友鹿永年向濤霜
田亮功次也南陔至興勝寺看杏花三首

弄袖風微不起沙野田分路走三鷗十年失計仍爲客一醉無名特借花白塔

似招遊子騎青旗錯認美人家金丸落處休輕逐小立逡巡避鈿車

先經摩訶菴不得入

幸是韶光處處同勝遊隨意轉芳叢別開香界松林外遙指煙村杏社東黛色
濃添三面綠日痕微減一分紅只須十步凌丹閣多少花頭在下風三民曲云
及記當時載酒遊舊題幾壁拂塵留重隨客到僧猶識不待人言我欲愁牧笛
聲中芳草路鞭絲影裏夕陽樓花開花謝年年事豈料傷春易白頭

看花之會已成七律三章朝來端木分牋屬賦七言歌行再作一首

朝陽簷前報乾鵲起赴城西看花約東家借得蹇驢騎快比揚州身跨鶴豁然
雙眼對明鏡草樹無塵光躍躍倚牆初見一梢紅掩映垂楊作村落漸行漸遠
入佳境花海茫茫浸樓閣雲晴霧散天微霞日色煙光互迴礪自然得氣少人

妬縱使餘寒何處着卯酒消來玉頰鮮牙香熏透春衣薄蝶沾蕊粉或雙去燕
拂花鬚時一掠乍看半吐或全開百面疑聞腰鼓作因思前夜沾沙雨特為催
花龍起壑不然萬本及千株那得同時齊破萼此花舊是仙家種肯向人間傍
簾箔自從禁苑植樊籬已勅居僧司鎖鑰寺後為進御菓園兒郎避路欹巾帽嬌女窺

隣少媒灼可憐寂寂寄空園也似飄飄客京洛憶昨初來年尚壯歡場往往貪

酬酢松林古寺摩訶菴幾度陪遊履相錯乙丑丙寅間屢隨大司空朱公少司馬楊公遊此侍郎歸老

尚書歿前輩風流久寥廓我留紫陌十經春白髮隨梳旋墮籜去年三月曲江

宴橫路紛紛爭出郭此時羶穰更思鄉未免當春懷抱惡豈如今年風日佳得

喪心空別開鑿青袍莫漫感憔悴紅袖羞堪慰淪泊楊家公子好心事兩世交

情宛如昨已逢勝侶盡名流況是閒官能脫略雖云雅集忘賓主治具終煩佐

脾臄是日端木治具花前醉倒十五人坐有車公寧不樂歸來忽忽記前夢後會悠悠

付成諾禪房借榻眠海棠野圃穿畦行芍藥勿嫌生活太冷澹竿木逢場聊戲

劇只愁火急促新詩顏謝方將被陵轍尋花本意取陶寫覓句翻教困悉索直

須境過兩相忘滿紙陳言總糟粕

狄向濤庶常訂同人會飲海棠院是日僕適有他招別請卜期研谿以

詩相惱戲答之

一春命侶原多暇半日看花奈少緣我為頽唐姑避席讓君獨作海棠顛

出劍南集

三月晦日向濤治具招同西溟實君文饒研谿六謙耑木霜田亮功次

也南陔岱瞻宗岱社飲寄園向未與會而今至者則胡芝山周漁璜張

天門陳堯愷姚君山玉階兄弟

客居感節物鄉味想櫻筍及此問名園忽驚春向盡歇鞍垂柳外曲徑紆徐引

側帽入丰茸迴身轉欄楯羣賢次第到虛坐前後盡

出曲禮讀上聲俗作儘

衆芳如媚客

四顧少畦畛丁香垂紛披藤蔓縮菌蠹海棠不少待吹作胭脂粉那無水一池

鼓吹出蛙黽似嫌太寂寂作意破寒窘鯨波捲百川目眩空花隕亭臺亂金碧

有若浮海蜃日飲正無何老狂良足憫唐侯但坐視出語顧見哂

余與天門亮功鬪酒盡酣

實君有老馬入駒羣之戲幸無性命憂何用須臾忍春衣行且換紅藥期將近三百青銅錢

敝裘尚可準

陸澹成侍讀招飲丁香花下同西溟崑繩寄亭作

花繁葉密暗迴廊爲放庭空特撤牆翠幕雲遮天四角紅燈人醉樹中央春辭
小院離離影夜受輕衫漠漠香曾是往年連榻地重來容易感流光

丁卯己巳間與家荆

州兄盤桓此地最久故及之

何倬雲戶部招諸同人飲藤花下

前日飲寄園自辰徑終西連朝發酒病解醉仍思酒一笑赴佳招相逢復開口
入門庭宇曠槐蔭寬半畝高格架藤花有若魚貫柳其梢多倒垂其蔓必上走
蛟螭起拏攫纓絡飄絲絡翻愛急雨來不嫌濡我首殷勤得賢主諧謔因良友
衣上指唾痕花前傷老醜人間好亭館豈必皆己有但願興到時深杯長在手

四月八日飲劉雨峯新寓分韻得佳字

十年論舊雨一日破清齋

俗傳浴佛日

去覺流光速來貪小住佳

時出乙丑讌集詩卷見示槐陰

深小巷花氣近斜街早晚南船到重看酒似淮

題張浦畫太白像

芒角生酒星仙才謫人世清平三絕調醉裏一噴嚏可憐高將軍不中作僕隸
脫却夜來鞞飄然從此逝

題張儀山中丞溫陵紀事後

見說溫陵事安危繫一時潮頭開郡縣虎口奪嬰兒報國原臣分封侯豈數奇
置身如事外不勒紀功碑

贈范方仲

秋兔千頭瘞禿毫鋒藏鏑斂似無刀費他京國三年住頑石如山價盡高

爲翁景文題畫

綠蕉葉折風無賴紅蓼花垂雨不情一個草蟲鳴似訴故來紙上作秋聲

宣德素鼎歌爲山左李繩其作

西方金苗變黃白躍冶辰砂斂成赤神工范出形製奇不用雷紋鑿鑿蝨腹圓
口直中央斂一綫縈過起凹凸其高四寸下半之其厚三分旁稍溢以衡測重

斤踰二

宣德小爐重者
不過二斤四兩

以指量圍弓滿的寶光蒸出耳雙環濃乳垂爲足三隻

膏流似覺層波涌肌潤何愁熾炭炙瓊瑰碾紫柔作團鞞鞞凝紅嫩將滴照來
妖彪敢逃影吹過雲烟不留跡神光離合乍陰陽氣候盈虛異晨夕世人好古
搜彝敦耳目遺亡闕金石此鼎傳從宣德年居然上與商周匹國家元氣在宇
宙百鍊千鎔聚精液後宮侍女罷添香講殿中宵尙前席曾從天上拂袍袖一
落人間似淪謫忽經吾眼真可憐尤物無多增戀惜君不見城南片雨朝來急
電掣金蛇飛霹靂玉川破屋那許留萬丈光芒穿四壁

翁康飴寓齋看芍藥分韻得面字

都城洵繁華物色互矜銜豐臺紅芍藥千畝開芳甸嗟爾本名花因多乃致賤
半開遭天闕不許遊人看却被賣菜傭頃筐雜藜莧根株兩相失本性須臾變
相逢衢陌中識者爲一泣翁生官戶部邸舍如郵傳近移槐樹街意取買花便
連車載兼土愛護同婉孌小雨爲扶頭清泉與饋面瓦盆三十六手自摩挲徧
亞窗斑竹欄步障青油絹花如感知遇爛熳答深眷其大比盤盂或歆學團扇

高低隨所主向背視所戀負恃各爭妍誰能分最殿豈無一尊酒就汝諧終宴
未免爲紅筵經營好看簷書生例貪嗇耳目有歆羨學道吾未能紛華易交戰
有情且相對卽事驚稀見絕勝洛陽園花時閑深院

送趙二聞郎中分巡兗東二首

望郎才地早知名檠戟新臨古任城負弩三州迎刺史降階一揖禮諸生山連
翠岱雲常潤濟入黃流派獨清我是南池舊遊客送君不覺動吟情
君家邸第好園林槐柳周遭十畝陰子舍縱牽他夜夢宦遊何負老人心共傳
清節胡威絹自有家風趙抃琴此去國門看擁傳拾遺親授大官箴

送鄭禹梅郎中出守高州三首末章兼示茂名宰王令詒

高涼名宦自來無君到方能重此區不信試徵唐宋事潮州韓與惠州蘇

八十高堂兩白頭扶攜齊赴上瀧舟荔枝龍眼均珍膳不要同官易播州

得延平
故及之

曾依日影候花輓此去人情似左邊猶勝茂名王大尹脚靴手版謁同年

王與
鄭皆

戊辰進士而茂
名爲高州屬邑

送陳梅溪之任階州二首

一家鼎盛十朱輪仕籍君偏比積薪早歲科名曾入洛半生官況兩遊秦

陳前任綏

德州

時平不設當關戍路僻稀逢入蜀人鄧艾城邊闕草木也教窮谷識陽春

一官聊與俗沈浮不改頭銜計亦優稍喜分符同領郡敢論無蟹有監州重關
夜度羣雞月絕塞書來斷雁秋多少郎潛愁索米羨君已似跨青牛

古詩五章呈吉水大司空李公

盛治際中天六卿盡文獻發揮爲事業器量隨所建公雖長冬官其氣實涵萬
放之彌宇宙舒卷視膚寸道在本非夸逢時獲初願
百川日東注赴海同一門豁達意何廣函容道彌尊乃知延攬塗中有仁義存
清濁具本性澄觀得其源君看下成蹊桃李初不言

西江一瓣香自昔人文區歐公門下客磊落皆名儒千秋復代興隻輪賴公扶
官高能下士此義今人無

空谷有幽蘭披披自含芳一朝采而佩顧盼滋容光顧盼何足多貴登君子堂
識者或見賞當門忌孤芳向非特達知標榜慚互相

男兒感恩地茲事豈可常不敢泣窮途恐爲知己傷拙守無詭遇異營戒岐旁
百年屬有身利鈍誰能量於公負期許脈脈終難忘

次也讀書王園夏日偶過之索詩題壁

地僻人聲覺林深曉氣通棗花開帶刺藤角墮兼蟲擊柝過佳客傳餐累小僮
避炎知有處來就北窗風

虞山巖杏修爲尊人仲甫先生乞六十壽詩并以錢湘靈玉友亮功所
賦五七言長篇見示故詩中並及之

吳中數交遊屈指首嘗熟錢生十年舊直以心置腹因之筮同人京洛異徵逐
初逢巖伯子氣靜神冲穆涯涘未易尋徐徐視含穡名駒果有自濡染出家塾
子有兩老親算旬並踰六昨歸爲上壽再出何太速所傷名未成負米營斗斛
此來復相見執手語反覆爲言屏幃詞排偶難破俗人間好官爵祇用填滿幅

不敢濫乞言所以省干瀆君詩有真味是則我所欲出示三長篇得隴且兼蜀
孝廉筆奇矯榦老枝葉禿交情敘三世中有滄桑錄大錢善形容繪畫列眉目
小錢騁才氣汎濫到朝局已無餘地留故乃相迫促吾詩何處著譬若蛇添足
然而難固辭卽事生感觸江南氏族盛甲第紛相屬寧知一再傳竟爲他人卜
君家好門閥牆宇本先築豈非文靖公清蔭及喬木仲甫爲相國文靖公會孫當時歸逮養
歲給大官祿人生惟此難餘者徒鹿鹿卽今時代換往事如轉轂正賴後人賢
流風承式穀先生實高隱祭酒推鄉曲雖荒下溼田尙保檀橋屋時情有豪奪
世守無輕鬻冬缸葑可熟秋圃棗堪剝窺池荷夏紅掃徑莎春綠平生十萬卷
又課諸孫讀同牢四十年尙享齊眉福子行及歸奉此樂天倫獨古人重名義
飲水兼啜菽斯言倘足徵庶當嘏辭祝

酬同年張聲百秦中見懷之作

舉子稱同年厥名自唐始其初本鄉貢往往維桑梓地近情易親論年序以齒
師門就行列有若一父子名雖托友朋骨肉差相擬至於試京兆半屬九州士

或者徇虛聲紅箋報名紙泛交乍隨俗相背旋棄屣刺盾動以矛憑身孰如几
余生久落魄場屋困則趾初度降惟寅微名歲在癸秋蛾眉換綠看鏡抱深恥
得附當代賢不才聊自喜君家好兄弟今兄逸峯亦同榜健翮冲天起竇桂有雙枝田
荆必連理京華獲交臂伐木酒親醺古道朗照顏相期各廟壘嚴霜妬竹柏猛
雨欺桃李散作湖海萍流行隨坎止省親君就道落第我歸里關城杳何窮秦
樹吳雲裏何期再入洛冰面躍雙鯉寄示長歌行光芒開顧指聳身登二華長
劍插天倚黃河如修蛇起伏見首尾自然得奇句萬象聽驅使我欲從之遊塵
埃誰料理矧慚詩力弱難與諧宮徵遲答故人書半年坐嬾耳

以詩乞王麓臺給諫畫山水

婁東富文獻世守鄴侯架太原老奉常腕底斲造化當年書畫蹟貴豈文董亞
至今賢子孫餘韻足瀟洒黃門蚤登第羣從俱方駕朱紫接烏衣丹青陋曹霸
朝廷無闕失邸舍多清暇坐令拾遺官風流資醞藉時時出餘技落筆妙天下
屏幃滿京華林泉不吾借篋中一幅紙欲乞防見詫生平山水緣無厚入有罅

搜奇得餘快歷險慣不怕所媿言少文煙雲經眼乍如何不自量見彈求鴉炙
意從良友申閱請披垣假朝來傳好語命以詩易畫余以宣德紙從吳元朗轉乞君畫君語元朗是不可
無夏重詩詩來則畫往矣我詩頗拙速敢托不敏謝古人重踐言相值寧論價君其勿堅壁
致我長避舍

附次韻

王原祁

龍山查先生峭壁青松架讀書百鍾鍊等身與古化清健更瑰奇韓蘇之流
亞興來爛熳題珠玉繽紛灑余聞心折久畏友敢並駕霧豹窺一斑騷壇戰
而霸欲為訪戴遊一官苦無暇坐令鄙吝生他山何所藉小技試盤礴每恥
居人下粉本追宋元筆墨四家借腕弱媿癡肥定為識者詫譬彼窺月魄餘
光逗壁罅慘澹心神疲甘苦方知怕開闔變化間微茫得失乍始覺吾祖高
至令人膾炙拙筆非許田奚為拱壁假真宰雖難搜勉力為君畫木瓜配瓊
瑤何以云報謝荒率懼覆瓿賴公以長價紈扇懷袖中秋風奔上舍
次日麓臺為余作巨然山水并次昨韻見訓再疊韻奉謝

玳瑁裝書籤珊瑚供筆架我無二者樂宿習故難化新詩出寒窘郊島或流亞
一窺著作堂顏汗豈勝灑千金享敝帚蹇足追高駕何異貧家兒蓬頭媿王霸
方當苦酬應供給日不暇先生地望懸乞者無憑藉十年率未應惜墨肯輕下
始知高人胸與俗少假借於余獨不靳脫手洵奇詫用意取巨然危峯拆天罅
趁人何突兀旁睨心膽怕細觀入秋毫恍若置身乍漁灣舟可檣樵徑轂可炙
勢成風雨晨不待休沐假猶嫌尺幅短更以詩補畫人間有真境躡屐當追謝
但恨多牛翁青山索高價菟裘營已晚惆悵道旁舍

王服尹見和乞畫詩三疊前韻奉答

米家書畫船秋蔭傍藤架爲君下一榻四壁煙雲化

服尹時下榻麓臺齋中

京洛少名園

精廬乃其亞可無一斗墨興到供揮灑君才況如江袞袞高浪駕偏師壓小敵
勢欲戰而霸篇終味深穩語妙神閒暇平生績學功授受有承藉淵源大可溯
派自震川下幸生君子鄉師友不外借何當謬引重恐被識者詫昨日乞畫詩
細聲風出罅蒲牢懸我前欲扣吁可怕強顏托夙契結襪交非乍憶昔隔牆居

淋漓濡酒炙

己巳寓居上斜街與孫愷似編修近隔一垣長從服尹飲

六年一醉夢歲月不我假青山憔悴

容此景豈堪畫君歸約髯孫吾亦偕小謝

來詩及家德尹

披圖賦招隱尚可長詩價忍

負好溪山挑燈向客舍

計閻昭索題看菊圖

勸君莫種菊種菊須澆灌本自隔年培根從立夏判苗新虞蠹蝕葉密防雨爛
三時倘失勤那博一秋玩不如走廟市取辦在一日捧土上瓦盆妍媸誰復辨
十年客都邑萬事皆眼見披君看菊圖使我發長嘆

題曹渭符舍人畫扇

移得城南魚藻池便從紙上寫淪漪畫師正恐妨魚樂不着飛來雙鷺鷥

費子葛陂屬題小影

費生客京華氣帶秋山爽學詩兼學畫離俗寄幽賞識君塵坱中十載一俛仰
羨君煙霞姿瀟洒不殊曩虎頭為寫照見者皆拊掌秋根走雜樹中有落葉響
可無松亭亭配汝玉朗朗勞生輪下坂歲月成鹵莽誰知靜坐人一日可當兩

題趙天羽給諫小照

長身七尺紅兩顴成佛要在靈運先兩塵相隔一毫末中被官事相糾纏豈知
生來具慧業卽現宰官爲說法一林紫竹是禪機只在眼前誰見曉

送同門朱介垣掌科請假還吳

燈簾夜看秋菊花酒徒爛醉東西家竹垞去官君請急近社花開少顏色明朝
我亦作歸人二老猶堪結比隣扁舟同訪籬邊屋及取霜前香稻熟

希文將南歸次淵明田居詩韻來索和章四首

故鄉去我遠縹緲三神山風塵一涉足忽忽傷徂年曹生靜者流心若珠在淵
不使閒草木萌芽荒寸田如何瀟洒姿亦復趨人間一官比薪積後至爭居前
坐看車馬衢羣情動如煙秋風夜入戶曉鏡增華顛身先候雁翔心與浮雲閒
歸期服勇決臨別翻欣然

老馬悔識塗亞身受羈鞅時因送人處一發田園想田園近荒蕪計拙迷孤往
家書昨日到久雨蓬蒿長八口恆告飢憂來難自廣生涯事游惰獲報宜鹵莽

萬人浩如海酒伴日以稀曹生後我來今復先我歸家人占喜鵲不寄秋來衣
因之報歸信歲晚寧相違

讀書三十年如農守阡陌出門視蒼莽蹙蹙靡所適君看入貲郎朝發不待夕
時來誇際會抵間快投隙得官如驅羊舊給廝養役課奴力耘耔課婢勤紡績
識時乃豪俊章句工何益

敬業堂詩集卷十九

敬業堂詩集卷二十目錄

遊梁集

將有中州之行七月七日姜西溟唐實君趙文饒惠研谿楊耑木宮友鹿

項霜田錢亮功湯西厓馮文子楊次也陳元之家聲山錢飲於陳六謙

邳舍席間酬別

出都晚宿竇店戲示許大令霜巖

涿州過渡

上谷城南旅宿見可亭姪題壁

早過慶都

定州口號

新樂有感

晚渡滹沱

麥飯亭

鉅鹿道中

豫讓橋

邯鄲縣呂翁祠

邯鄲懷古三首

自杜店至磁州與霜巖並馬行

渡漳河

曹操疑塚

鄴中咏古四首

湯陰縣北村家

入大名界紀冰雹之異

滑縣

長垣道上戲示霜巖

從蘭陽渡黃河入大梁境

閱陳留縣志雜題十絕句補其所不載

桐城王方日為亡友蔣度臣刻詩集於汴中後列同學姓名余兄弟與焉

度臣之歿宜有哀辭宿草之哭亦情所不能已也二首

和霜巖縣齋秋雨八首

中秋喜晴

夸門行

汴梁雜詩八首

宋門別陳叔毅二首

陳留後圃習射示孫周人許繭為

朱仙鎮岳忠武祠

與王方日

汴中遇蔡遠士次韻留別三首

韓岡送同年張逸峯之安慶

重陽日接胡茨村觀察書及見寄二律次韻奉答

將歸故里留別霜巖三首

答趙蒙泉別後見寄之作

留別吳梅梁表兄

大風晚至杞縣訪李明府不值

歸德道中二首

商丘周宜菴明府貽牡丹各種戲成

四絕句

永城縣陳太丘祠

望礪山

南宿州卽事

汴中無魚今日至固鎮盤餐得此余方以爲喜座有晉人乃至廢食云吾
土有客水鄉者所親必相戒勿食魚恐傷骨鯁也南北嗜好之不同如
此

臨淮曉渡飯於逆旅述老人所言

過鳳陽城外二首

池河驛

度磨盤山滁濠分界處

清流關

滁州

舟發六合

大霧自儀真曉至京口

關吏行

舟中紀事

雨中發嘗熟回望虞山

吳江田家行

敬業堂詩集卷二十目錄

夜中感懷

大德

...

...

...

...

...

...

...

...

...

敬業堂詩集卷二十

海寧 查慎行 悔餘

遊梁集

起乙亥七月
盡十二月

中州名勝之區也同學許霜巖謁選得陳留宰邀余偕行涉滹沱循太行
東麓歷趙衛梁宋之郊按程計之古蹟不少資其車騎供我吟眺亦足以
豪矣

將有中州之行七月七日姜西溟唐實君趙文饒惠研谿楊崑木宮友
鹿項霜田錢亮功湯西厓馮文子楊次也陳元之家聲山錢飲於陳六
謙邸舍席間酬別

屋簷秋網拂蠨蛸弦月如弓挂一翳剪燭談深宜夕館看花人散憶春郊窮無
好句供傳寫老不中書代解嘲實君見送詩有舍人
官職是虛名之句來本無名歸亦得只愁飲
錢累貧交

出都晚宿寶店戲示許大令霜巖

又是南程發軔初我今戴笠爾乘車衝泥早歇林間馬積潦秋生戶外魚十度
棘闈憐報罷一官花縣喜新除屠龍妙手牛刀割餘技猶堪理簿書

涿州過渡

胡良河蔭青葱柳督亢陂連宛轉城但覺林中無暑氣不知風外有蟬聲喚迴
塵夢秋初到誤墮吟鞭馬一驚自笑年來詩境熟每從熟處欲求生

上谷城南旅宿見可亭姪題壁

客路逢連雨秋原洗鬱蒸人投曾宿店鼠瞰未吹燈一榻夜涼入二更殘月升
忽看題壁在爲爾掃秋蠅

早過慶都

棗林槐埂翠模糊十里烟光接慶都堯母陵荒秋草徧戴高新畫牧牛圖

定州口號

劃花小盃愛初燒祕色傳來閱四朝莫打磁甃輕試玉人間方貴定州窰

新樂有感

客路匆匆過定州鮮虞臺下小遲留輿圖西漢中山國恩澤先朝外戚侯支棗
詩成歌樂土種瓜人去感新疇眼前風物全非昔細草鳴駝一段秋

晚渡滹沱

涼風蕭蕭響白荻老鸛啣魚作人立小船爭渡晚尤喧濁浪兼泥秋更急中流
仰看團團天太行突兀當我前未知馬首向何處千里夕陽橫紫烟

麥飯亭

蒼皇那免嘆途窮大業幾隳小衄中名號未尊誰是賊英雄有識獨從公兩河
子弟收星散一飯君臣見始終值得將軍依大樹不勞上殿更爭功

鉅鹿道中

要害畿南在必爭時危往往屢稱兵居人不重侯芭里過客猶尋石勒城雲挾
常山蛇尾動地連汾晉犬牙成如今不用論形勝黍稷秋郊一望平

豫讓橋

首四句姜西溟舊作也
辭意未盡爲足成之

趙入宮臣廁中趙乘馬臣橋下區區欲報國士知可憐一死何能爲君不見博

浪一椎雖不中置身事外非無用

邯鄲縣呂翁祠

幻妄浮生豈有涯何妨鼠穴駕牛車貧兒好作音做遊仙夢怪事偏傳小說家出事

虞初志古道蹇驢多北向空庭秋日又西斜人間官賤黃金貴乞與燒成九轉砂

邯鄲懷古三首

口舌相如位上卿從教趙括喜談兵璧歸間道雖難奪師出長平已被坑唇齒
連衡如有約虎狼縱暴本無名淒涼蔓草荒烟地民命無如戰國輕
美人一笑元無罪不殺難邀好士名趙勝何曾識毛遂信陵差解重侯嬴符來
袖裏圍方解錐脫囊中事竟成碌碌因人嗤若輩也如跛客強隨行
北道何期得鄧晨信都南望尙迷津羣情正是思劉日假號先歸賣卜人計定
一軍終拔趙怨深三戶必亡秦不妨暫作逡巡避龍準諸孫自有真

自杜店至磁州與霜巖並馬行

一天風露野田秋曉路熹微辨馬頭槐柳陰中辭杜店芰荷香裏到磁州鷄鳴

巷陌烟初起鷺立陂塘水慢流過此頓忘身是客與君題壁紀清遊

渡漳河

夜聽邯鄲趙女歌起乘殘醉渡漳河天垂曠野名都壯路入中原戰壘多細雨
一蟬高岸柳西風匹馬故宮禾灰飛瓦解尋常事誰管繁華委逝波

曹操疑塚

分香賣履獨傷神歌吹聲中總帳陳到底不知埋骨地却教臺上望何人

鄴中咏古四首

洹水清流見麗譙鄴中氣象太蕭條詞華不過誇三國人物誰能算北朝冰井

臺荒秋瑟瑟香姜閣廢雨飄飄齊磚魏瓦人爭托想見當年土木妖

魏銅雀瓦色青內平

印工人姓名皆八分書以為硯貯水數日不滲齊起鄴南城磚瓦皆以胡桃油
油之當油處有細紋曰琴紋有白花曰錫花古磚大者方四尺上有盤花鳥獸
紋千秋萬歲字其紀年非天保則興和又有磚筒承簷溜者花紋年號皆同內
圓外方亦可為硯按王荆公詩云陶甄往往成今手尙托虛名動後人則真品
在宋時已不可得

自從僭竊起當塗虎視中原氣總粗大抵奸雄皆好亂居然割據亦稱都車中

不少彈箏客案上頻繙聚米圖十二渠成流澤遠至今土壤號膏腴

林慮平聲山色尚蒼蒼太尉登朝事可傷豈有公孤能翊漢早知廢立總由梁勢

成刻兔驕三輔禍始金蛇恨永昌慚媿上書收葬史猶傳郭亮配楊匡

錦衣別築相州堂使節移來自武康公獨勤勞兼將相誰能事業更文章威名

要取雄殊域宦跡何嫌避故鄉碑版兩朝尊顧命豈徒一記重歐陽

湯陰縣北村家

烟際露茅茨田家正午炊韭花秋逞味棗實晚垂枝放犢青蕪岸漚麻綠水池

地偏稀客過籬落有人窺

入大名界紀冰雹之異

朝行渡黎陽四望如絕徼又如入霜野慘澹初經燒古墓多白楊連根拔當道

棗梨盡僵仆墮實滿泥淖村中禾黍空天半烏鳶叫客心慘不樂經眼非意料

道逢白髮人下馬亟慰勞為言前七日陰氣變晴昊疾風西北來電雷乃前導

須臾大雨雹奮擊恣凌暴為拳為芋魁所向等飛礮居民屋瓦裂填塞及井竈

行者不及防人傷馬傾倒濬南滑之北廿里陷冰窖草木生其中焦原同一燎
含悽問隣舍旁有豐年稻邑長豈不知逡巡莫以告我爲田父語天變非人造
不聞平陽城一震跡如掃殭尸十萬戶蔽野復誰弔朝廷憫災傷大下乞言詔
公卿滿臺閣相視無寸效被禍爾猶輕區區胡足較

滑縣

停鞭小立聽潺湲魏滑分河在此間

自洛以東百水皆會於此
唐沈亞之有魏滑分河錄

樹杪帆檣瓠子

渡城西風雨大伾山野無秋草年仍歉地近朝歌俗尙頑誰與牛羊典芻牧未
應蒿目委時艱

長垣道上戲示霜巖

前行忽引朱衣吏夾道爭看擁似蜂却咲相如綠底事也隨車騎走臨邛

從蘭陽渡黃河入大梁境

馬頭半月看烟糞行過燕關漸軼關今日中流回首望黃河截斷太行山

閱陳留縣志雜題十絕句補其所不載

幡然臺外野雲黃吠畝餘風重此鄉不解後人偏好誕每從田叟問空桑伊尹生空

桑語出呂氏春秋

漢祖初來厭監儒監門長揖互擲揄入關全賴教倉粟計出高陽一酒徒酈食其陳

留高陽人今縣有高陽堡即其故里

割肉談諧父老旁千秋銘記有中郎羨他社宰封侯地不改當初戶牖鄉蔡邕索昏

庫上里社銘云惟斯庫里古陽武戶牖鄉陳平由此社宰佐高帝定天下按史平初封戶牖侯故云

殺雞自作高堂饌草具何妨對客供一飯成名真有幸天教季偉遇林宗

伯喈本意欲東奔失計何人與訟寃畢竟殺身緣一嘆九原應悔出私門

分茅幾姓列王侯古郡相傳屬此州若以報施論漢魏後先亡國兩陳留漢獻帝從

陳留王入承大統曹奐為司馬所廢封陳留王

假道穿渠到小黃五代通錄李珣曰河南有外黃下黃漢書地里志陳留有外黃小黃縣五代史改小黃為下黃訛矣赤松祠下

月茫茫鎬池遺壁今還壁氣盡人間十二郎事見大業開河記

北狩蒼黃宋兩君徵兵諸路咲紛紛平時誰畫元豐策輕汰畿東捧日軍宋都汴陳

留爲畿輔要地舊設天武捧日等軍元
豐中有詔裁減故靖康之禍近無聲援

養士恩深三百年倒戈迎賊怪爭先殘黎及記滄桑錄死事人稀一尉傳崇禎辛巳

十二月賊由襄鄧北來汴南州縣望風迎降陳留署令某庸才也
不知所措典史邵大濟秦中人竭力拒守城陷不屈全家投井死

濁浪高於師曠城見陳留風俗傳人隨廬舍盡東傾至今雨濕天陰候過客猶聞鬼哭

聲崇禎壬午決朱家寨水入大梁浸淫及於陳
留城內外水深丈餘屋宇盡沒邑無居人

桐城王方日爲亡友蔣度臣刻詩集於汴中後列同學姓名余兄弟與

焉度臣之歿宜有哀辭宿草之哭亦情所不能已也二首

不是無家柰別離蓋棺事了始歸期半生好客皆情累一第成名亦數奇篋底

有金貧肯惜人間無路老方知最憐湖海元龍氣收拾光芒入小詩

迴思腹痛平生語謬托知音撫絕絃長恐雲烟隨散滅忽驚珠玉已流傳九原

可作應相慰同調無多又自憐不覺餘哀生感激爲君展卷一潸然

和霜巖縣齋秋雨八首

陳留井邑荒風俗尙淳古官舍雜民居蕭蕭一環堵移牀避屋漏正值秋來雨

秋雨有時晴茅茨亦易補乘時無鉅細百廢在一舉

許子天下才卑棲屈茲土到官已十日坐看魚生釜雖稀傳事柳尙打排衙鼓

我來況無事小住因賢主只合向空齋攤書聽涼雨

昨日牒文來歡聲滿城郭黃河一丈減秋水漸歸壑回頭梁宋郊禾黍正可穫

豈有溝澮盈決防助流惡野人殊過計倚杖候乾鵲

荒庭無竹樹草上牆頭生誰知一穴穿已帶秋蟲聲老夫方隱几鼻息如雷鳴

雨點忽到窗颯然歸夢驚此中有佳句夢斷詩未成

我友趙十郎索居廩延城趙子晦時宰延津去此二百餘里河壩一小邑身吏管送迎我思往

相就所畏泥中行乃知行路難中有躑躅情

殘暑去逡巡蠅聲猶未歇蒼蠅何足云壁有鈎尾蠍孤燈明復暗被螫或倉卒

土產多毒人吁嗟慎膚髮陳留產全蠍故云

河流去城遠掘井不破塊常時瓢飲難汲自十里外官庖惜民力水厄亦有戒

天漿忽傾盆餘澤走滂沛瓶罌既滿貯茶味卽沆瀣絕勝調水符勞心防狡獪

木榻乘秋陰，徽蒸入布被。解衣背粘席，轉輾出奇計。燕葦著瓦盆，濛濛透霧氣。苦遭烟炙眼，聊免體被漬。身居燥濕間，那得兩遂意。

中秋喜晴

連晨苦雨悵淹留，地近梁園客勸游。夢裏無花誰勸酒，天邊得月且登樓。城圍老柳吹笳夕，露灑寒螿擊櫂秋。却記去年今夜會，滿堂絲竹醉湖州。

憶去年鳳晨堂之集

夸門行

秦師圍困邯鄲城，趙人乞援如乞盟。陵重以姻婭，故坐視不救。非人情三千私客，赴急難致死。一戰猶堪爭，今者無端傾國出。不以君命俄專征，宮中符竊嬖倖手，閫外力奪將軍兵。鐵椎碎首彼何罪，汝自徼幸貪功成。誰爲此策大紕繆，公子幾陷無君名。生平下士頗折節，慚媿虛左親相迎。私恩不負負大義，二者較量孰重輕。先王正道日陵替，術士詭計方縱橫。不聞死事憫晉鄙，但見好客誇侯嬴。史遷本意喜任俠，公論久掩吾不平。千秋事往一感歎，弔古聊作夸

門行

汴梁雜詩八首

珍傲宋版印

土岡起伏向平蕪蕎麥花開似雪鋪舊日樓臺埋井底秋來風雨暗城隅鄒枚

作客虛詞筆高李論交剩酒壚

少陵與李供奉高常侍同時客遊梁宋間故其昔遊詩有往與高李輩論交入酒壚之句今城

東南有三賢祠

莫怪遊梁無一事已將名姓混屠沽

輦洛東來地勢窪一條清汴走長蛇霸圖難畫鴻溝界恨事空椎博浪沙

博浪在

北府衰草平原秋放牧西風古堞暮棲鴉靈光一寺歸然在

大相國寺踞地最高壬午之禍獨不為沙

土所埋汴中樓閣存者惟此而已

留取伽藍記夢華

削除七國獨存梁愛弟終因母后妨禁網初寬到賓客人才一變起詞章平臺

築後門常闢東苑成來志稍荒但取虛懷能下士豪華原不累賢王

梁

朱趙

遺墟指汴京紛紛代禪事何輕也知光義難為弟不及朱三尚有兄

將帥權傾皆易姓英雄時至適成名千秋疑案陳橋驛一着黃袍遂罷兵

歲幣輸來不計緡無端齒冷為亡唇偷生虎穴甘南渡忍死牛車痛北巡翻覆

兩家天假手興衰一劫局更新幽蘭堂畔誰相惜只有從亡十九人

勝國分藩本屬周承平樂事數焚樓星連北極雄繁會地是中原沃衍州樂府
新聲翻百闕書堂名蹟勒雙鈎最憐禍較江陵烈河伯摧殘甚鬱攸

蟻穴將穿積勢成洪流直灌大梁城運移天險翻資盜禍起庸夫好論兵

明季流賊

圍汴推官黃樹倡議決朱家寨水以灌賊營賊覺而遠避開封翻成巨浸矣

不信龍蛇皆沴氣可憐魚鱉盡蒼生滄

桑變後秦灰黑誰見黃河十里清

新標禹廟鎮河濱師曠臺邊迹已陳

吹臺今更名禹王臺

獨向蒼茫時極目誰當搖落不

傷神空倉雀鼠千村賦故壘牛羊四戰塵老傍人間多閱歷漸無閒淚可沾巾

宋門別陳叔毅二首

同作大梁客情因去住殊

時叔毅舉家客汴城

累君爲地主餞我赴歸途對酒狂猶昔謀

身老漸迂未妨吟思苦領下賴多鬚

全家猶旅食別路阻清遊

相約同登吹臺爲兩阻

近約尙難必歸期可自由貯愁聽舊事

挈涕洒神州

令伯元倩先生崇禎末爲開封司理

莫作長流落風塵易白頭

陳留後圃習射示孫周人許繭爲

縣齋秋日長兀坐愁面壁異書如荊州欲借那易得後園有棄地糞壤經馬櫪
泓然見清池老眼喜一條初看剪蓬艾次第拾瓦礫朝來箭道成百步盡所歷
兩生頗好事飯罷走相覓邀我日同來分朋控鳴鏑雖無皮畫鵠縛草聊代的
引滿試射之於中寓考績浮情或倖中詭遇本無適古人一技精往往互砥激
勿徒視游戲儼若對強敵我昔方盛年從軍曾草檄風前餓鴟叫頭上飛霹靂
蹉跎萬念乖漸怕矛頭淅力衰安可強衆醜供指摘自咲諒無成習勞猶運甓
子今心膽壯作此太寂寂斯言可類推凡百慎剖析

朱仙鎮岳忠武祠

平生感憤興亡際往往無端供裂眦晉之懷愍宋徽欽失國偷生本同類兩家
子弟又庸下南渡誰論復仇義千秋乃有岳將軍欲雪斯慚出奮鬪曾經讀史
浮大白況到提戈用武地一條衣帶指黃河倒捲狂瀾作餘勢當時大業已垂
成談咲收京俄頃事乞和語出金人口二帝歸如反掌易南內何妨奉上皇中
原未必虛神器可憐計算不出此奸相逢君有深意朝廷不要兩宮還那許疆

場壤和議乾坤震蕩功百戰性命風波獄三字湯陰故里虎林墳幾處經過頻
洒淚豈如此地更悲涼血裏征袍等閒棄二百年來崇廟貌祠創于成化戊戌兩行檜
柏干霄翠北風怒吼白日昏猶有英雄不平氣

與王方日

姚生寓舍晨排闥一咲驚君起著衣

余初識君於同年姚別峯寓中

半面相逢雖草草兩心經

別自依依倦游客況秋風冷末路交情酒伴稀不料尙邀公子顧累他紅粉避

燈輝

方日夜過余寓適有女郎在座聞公子至避匿不出故戲及之

汴中遇蔡遠士次韻留別三首

與君少小生同里嬾蔡知名二十年今日汴中初識面鬢絲秋老菊花天

買蟹宵來倒客囊

汴城無水味蟹尤難致一枚例索錢五十文

一燈相對話蒼涼舊京風物吾猶記

宋嫂魚羹薛嫂羊

馬嘶門巷客將還殘醉扶頭改別顏多感故人相送意略煩秦女唱陽關

時有秦姬

座在

韓岡送同年張逸峯之安慶

去年下第傷坎坷君館髯姜西漢兼客我順風三日不張帆綠水名園停畫舸一

攀楊柳辭春陌兩見榆槐更歲火那知此地忽相逢客裏班荆當道左大梁城

東秋野闊片片飛鴻向空墮夜騎驪馬到韓岡我倚身強君亦頗人間裙屐胡

足道絲吐春蠶自纏裹天津公子氣雄豪長劍短衣無不可近聞西陲方有事

廟算行將啓邊鎖時閱邸抄聞出師之報吾曹猥以不羈身五寸垂綏等遊惰君依官舍

獲侍奉時逸峯隨尊甫觀察公赴任安徽我赴歸期尚難果殘樽相屬且勿辭黃花正綻霜前

采

重陽日接胡茨村觀察書及見寄二律次韻奉答

含語相逢兩未申匆匆悔作渡河人敢期交臂心相許及捧來書意果真白雪

愛吟千遍熟黃花催換一番新眼前事事俱難料不為傷秋歎亦頻

一序何當重左思重煩傳語到臨岐來書屬余作詩文序故云可知投劾休官地未是移床

遠客時九日歸心憐我急十年恨事識君遲不嫌寂寞遊梁跡點綴行裝賴好

詩

將歸故里留別霜巖三首

百里衝煩邑河流接小黃鄉程貪漸近官味看初嘗家本傳儒術名猶在舉場
此情吾諒汝捧檄爲高堂

別後寬相憶君才百事能神明真不忝蘊藉若無憑世苦需經濟官廉慎愛憎
似聞田父語蓄眼見何曾

四海皆兄弟相關得幾人不愁官俸薄翻計客囊貧却饋非吾矯論交到爾真
平生知己意感動豈無神

答趙蒙泉別後見寄之作

趙壹豈窮人文章天下冠成名陷羅網識字召憂患平生師友間慷慨赴急難
一機駭初發二事將并案隻手探沸羹辱軀分糜爛欲知氣難奪正賴神不亂
戴盆却望天畫地詎宜狂泊乎寃得白重以讒被問幸免輸鬼薪誰堪贖城旦
先生鮮稽怒一咲春冰泮脫身楷棊中去國等流竄疲驢入京洛旅食年頻換

囊中綠綺琴焦尾實經爨知音世不乏聽者每三歎捷徑有爭先陳人尙魚貫
空持魯褱論孰下干木判遇我夙懷傾招呼詩酒伴貧交無強合失意多聚散
老淚落河橋離愁渺雲漢殘秋滯梁宋仰視南飛鴈寄我別來詩開函一腸斷
君心人盡諒蹤跡聊羈絆出語忌孤高時情伺譏訕

留別吳梅梁表兄

幾日重陽雨雨晴天忽寒北風醒別酒落葉打征鞍不計授衣晚欲爲分袂難
他鄉老兄弟情到勸加餐

大風晚至杞縣訪李明府不值

沙土晚濛濛孤城萬木中氣吞平野日聲壯渡河風結伴隨陽鳥離程極轉蓬
不須煩地主旅食報年豐

歸德道中二首

海鴈橋邊路向東霜消日氣午怡融木棉吐子如脂白野柿垂條似火紅驢背
人簪雙鬢菊牛蹄塵漲四輪風旗亭一醉誰同伴獨把吟鞭過宋中

寒烟衰草入疎蕪，睢水流同戰血枯。他日江淮論保障，至今祠廟具規模。城連
耗土秋多鼠，樹倚神叢社少狐。惆悵繁臺歌管歇，角聲吹落孝王都。

商丘周宜菴明府貽牡丹名種戲成四絕句

戚里名園結構新，千株遠致洛中春。燕中苑圃爭購此花，今秋北去者以商丘一縣計之，已至一千本。多情誰

似河陽，幸留取名花贈野人。

珍重新寒九月初，歸程作伴太憐渠。渡江船上人爭看，桃葉桃根恐不如。
瓦礫堆牆老圃家，燒餘一片變桑麻。問余臺榭今何處，也要移栽富貴花。
包裹泥封護本根，隔年分種自梁園。得歸且作看花想，未必花時穩閉門。

永城縣陳太丘祠

賢人處末流，德器務廣大。先生得此意，名不黨籍挂庸夫。取同塵，君子重遠害。
偶然出從政，初不計殿最。曾爲茲邑長，治道去其太。豈必赫赫名當前，互驚怪。
到今有餘慕，俎豆禮無殺。我來謁公祠，下馬肅瞻拜。題詩警俗吏，似爲求名戒。
不見道旁碑，去官碑輒壞。

望礪山

萬乘東南巡本厭天子氣匹夫迺心動走向此中避雲氣隨真龍人誰跡劉季
可憐秦皇愚不及呂后智英雄論成敗孰者意料事秋色中原來蒼然入淮泗
蜿蜒忽橫亘一束千里勢豐沛袒右肩濠梁舒左臂古來雜王霸要豈山所致
吾將訴真宰鐘爾作平地山色如死灰嗚呼識天意

南宿州卽事

符離城外騎驢女愛着紅裙愛插花十里迴車無避處不辭相送到村家

汴中無魚今日至固鎮盤餐得此余方以爲喜座有晉人乃至廢食云
吾土有客水鄉者所親必相戒勿食魚恐傷骨鯁也南北嗜好之不同
如此

各有鄉風兩不知區區口腹莫相疑看他葱薤堆盤處是我攢眉廢箸時

臨淮曉渡飯於逆旅述老人所言

人影動浮橋清流繞淮甸月光水面澹初日烟中見中都地脈連風物南方變

城灣鵝鴨開客飯魚蟹便逆旅八十翁自云本武弁前朝守陵戶賦役除本縣
自從喪亂來瓦落奉先殿天家王氣盡凍餓甘衰賤誓死不去鄉依依豈他戀
會供洒掃職麥飯每私薦孟冬時享近又欲往營奠言罷竟出門回頭淚如霰
過鳳陽城外二首

帳下居然識帝王千秋閭墓表滁陽時來將相皆同里淚落英雄有故鄉芒碭
天青雲氣散江淮月白水聲涼龍蛇變滅須臾事猶指山名號鳳皇

元老還朝起廢臣

宜興再相起馬士
英爲鳳陽總督

二陵收氣避黃巾忽聞淮泗聲援地已奉

邯鄲假號人南渡半年輸弱晉西來羣盜甚苻秦青絲白馬他年恨草木餘威
在壽春

池河驛

古驛通橋水一灣數家烟火出榛菅人過濠上初逢雁地近滁州飽看山小店
青帘疎雨後遙村紅樹夕陽間跨鞍便作匆匆去誰信孤蹤是倦還

度磨盤山滁濠分界處

只在羊腸鳥道間不知行過兩州山
千家大柳烟中驛一綫清流井底關
樵斧樹稀行客倦茅亭茶熟老僧閒
路難馬力尤須惜莫遣鞭多比石頑

清流關

低迷野氣中路斷遇崖嶮陡然拔千丈
直上匪由漸行子中州來巖關此為險
其西道尤惡石滑破馬膽步行到關門
一往生勇敢長風捲林薄敗葉撒兩點
豁達眼界開晶熒日光閃少休得古寺
徐使神氣斂想當割據初外戶晝長揜
寧知暉鳳擒猿鳥就籠檻邇來幾易代
地僻設防減僧房同啓閉鎖鑰誰復檢
經過亦偶然形勝窮一覽

滁州

岡迴樹轉到城遙登石纔通路一條細
水流應落西澗

韋左司有滁西澗詩

好山青不

盡南譙名賢出守曾相繼異姓封王又一朝
爭說此邦風土好至今生計穩漁

樵

舟發六合

馬煩車殆歷間關轉愛江程一日閒吳女布帆十二幅畫船頭尾載花還

大霧自儀真曉至京口

斗柄插秋江夜行指西東五更乍迷道水氣昏霾零小舟一葦如漂蕩雲海中
焉能辨咫尺所向疑皆窮何物導我前羣飛賴南鴻稍知京口近忽報金山鐘
旭日出未高半天已先紅須臾掃無跡一望東南空但見旗脚舒平流起微風
畏途付噩夢回首猶忡忡

關吏行

大農按籍加關稅小吏機乘搜瑣細吳中支港夜不行水柵村橋晨尙閉歸人
癡絕良可歎枯蒲帶土包牡丹壓馱馱增驟價貴入船船重關津難有情對爾
應惆悵近日花網多北上獨攜此本到江南莫怪揶揄兩相向

舟中紀事

十月之交冬令行雷宜收聲乃發聲嬰兒晝啼天女咲羣蟄啓戶魚龍驚初聞
吳中夏大水萬頃平疇長蒲葦又聞蔚州七月霜盡殺稷菽秋無糧雖云地氣

異南北何至天道違陰陽野人未敢窺天意目擊口傳非一事他年誰考五行書五行志災不志瑞

雨中發嘗熟回望虞山

錢生

玉友

約看吾谷楓輕裝短襪來匆匆夕陽城西嵐氣紫正值萬樹交青紅天工似嫌秋太濃變態一洗歸空濛湖波蒸雲作朝雨用意不在丹黃中大癡歿後無傳派此段溪山復誰畫老夫新句亦平平要與詩家除粉繪

吳江田家行

高田去水一尺許低田下濕流沮洳半扉潦退尙留痕兩足泥深難覓路土牆頽塌茅屋倒時見牽舩岸上住家家網得太湖魚米少魚多無換處朝廷聞下寬大詔今歲江南免田賦野老猶供計畝租官倉自貸輸糧戶田家田家爾最苦有鐵何煩鑄農具半生衣食在江湖賣犢揚帆從此去